

እብራዌ አሳስ

ጣፍዶ ኪታ

ግዱዋ ኤርሱዋ

ሀ ኪተይ ጣፊትዶጌ ዎልቃመ ቱገይ ገክን፤ አመኑዋ አገነው መትደ አመንዮ አሰቱሰ። ጣፊ ጦሰይ በነቱታ ዉርሴተ ቆንጨታ ቆንጭስዶይ ቱሙ ኦጌ ግድዮ፤ ዩሱስ ክርስቶስ በጋሪ ግድዮጋ ቤስድ፤ ሀጌት አመንያጌት በንተ አመኑውን ምነን መለ፤ ኤተ ምንቴቱስ። እ ሄጋ ኦቲድ ሄዙ ቱመተ ግተይድ ቤሴስ።

1. በ ኤክዶ ሜቱዋ በጋሪ አዋስ ቱሙ አዘዜትደ ዩሱስ ጦሳዮ ሜርና ነአ። እ ጦሳ ነአ ግድዶ ግሸው፤ ገልአ ማቻ ዎዴ ሀነነባ ዮትዳጌቱ፤ ኪተንቸቱ፤ ሀረይ አትን፤ ሙሴ፤ ከህ አድያ።

2. ዩሱስ ገልአ ማቻ ቄሴቱ፤ ከህ አድያ፤ ሜርና ቄሴ ግድዮጋ ጦሰይ በ ሁጲን አዋጂስ።

3. ዩሱስ በጋሪ አመንያጌ ነገራ፤ የሻፔ፤ ሀይቁዋ፤ አቱስ። ዩሱስ ቄሴቱ ኡብቱ ሀለቀ ግድዮጋደን፤ አሳዮ ቱሙ አቶቱታ እሚስ፤ አቶቱታይ ከሴ እብራዌቱ አመኑዋ ዎገቱን፤ ሜሄቱ የርሾቱን ኤሾደን ቤቱስ፤ ሽን እ ሀእ ቱማ ኦቲስ።

ጣፊ እስራኤል አሳ ታርክየን ደሮ ኤሬትደ አሳ አመኑዋ ሌምሶደን ጎኤትድ (ምራፍያ 11)፤ ሀ መጣፋ ነብብየ አሰት በንተ አመኑውን ምነናደን ሀሰይሴስ። ሄጋደንክ፤ ምራፍያ 12ን ነብብያጌት በንተ አይፍየን ዩሱስ ትሽ አት ጤልድ፤ በንተ አመኑውን ምነናዳን፤ አይ ቆሞ ሜቶይ፤ ዋዩ፤ ገክኮክ፤ ኤት ጌንጨናደን ዞሬስ። ዉርሴተን ቀስ ዞሬ ቃላ፤ አክክሶ ቃላ እምድ፤ ቆፋ ዉርሴስ።

ጦሰይ በ ነአ በጋሪ ሃሰዩስ

1 ጦሰይ ቤን ዎዴ፤ ኑ አወቱዮ ሀነነባ ዮትያጌቱ በጋሪ ዱመ ዱመ አግያን፤ ደሮ ዎድየን ሃሰዩስ። **2** ሽን ሀ ዉርሴተ ዎድየን፤ ኡብባ አ ላትስድ፤ ሰአ አ በጋሪ ሜድዶ በ ነአ በጋሪ ኑዮ ሃሰዩስ። **3** ነአይ ጦሳ ቦንቾ ፖኡዋ ጳሌስ፤ ቀስ ሙሌረክ አ ሜሬታ ኤክድ፤ በ ዎልቃመ ቃለን ሀ ሰአ ናጌስ፤ ያትድ አሳ ነገራ፤ ጌሽድ፤ ኡባ፤ ቦለ ጦሳ፤ ኡሸቾ በጋሪ ሰሉውን ኡቲስ።

ጦሳ ነአይ ኪተንቸቱፔ ሶለ

4 ጦሳይ አዮ እምዶ ሱንተቱተይ ኪተንቸቱጋፔ ጦቀ ግድዮጋደንከ፥ ኤተፔ አ ኬሀ ጦቁ አቲስ፥ 5 አይስ ጊኮ፥ ጦሳይ በ ኪተንቸቱፔ አነ፥

«ኔን ተ ነአ፤

ታን ሀች ኔዮ አወ ግዳስ»

ጊዴ? ዎይ ቀስ አነ፥

«ታን አዮ አወ ግደነ፤

እከ ታዮ ነአ ግደነ»

ጊዴ? 6 ቀስ ጦሳይ በ በይሪ ነአ ሀ ሰአ ዩደነ ሀኒድ፥ «ተ ኪተንቸት ኡቡትከ አዮ ጎይኖነ» ያጊስ፥ 7 ጦሳይ ኪተንቸቱባ ሃሰዬድ፥

«ታን ተ ኪተንቸተ ጨርኮ ኬሰይስ፤

ቀስ ተ አሽከረተከ ተመ ለጮ ኬሰይስ»

ያጊስ፥ 8 ሽን በ ነአባ ሃሰዬድ፥

«ጦሰው፥ ኔ ከዎታ አራተይ

ሜር ሜርነው ዴኤስ፥

ኔ ከዎታ ጠምአይከ

ጥሎቴታ ጠምአ፥

9 ኔን ጥሎቴታ ሲቀደሰ፤

ናቁዋ እጠደሰ፥

ጦሳይ፥ ኔ ጦሳይ ኔነ ኔ ለጌቱፔ አትድ፥

ኡፈይሰ ዘይትያ ትይዶጌ ሄጋስ»

ያጊስ፥ 10 ጦሳይ ሀጋደን ያጌስ፤

«ጎደው፥ ኮይሮ ኔን ሰአ ሜደደሰ፤

ሰሉዋከ ኔ ኩሽዮን ሜደደሰ፥

11 ሄጌት ኡባይ ጠየነ፤ ሽን ኔን ዴአነ፥

ኤት ኡባይከ አፈለደን ዉረነ፥

12 ኔን ኤተ ኢርሻደን ደኮየነ፤

ቀስ ኤት አፈለደን ላሜተነ፥

ሽን ኔን ኔነከ፤

ኔ ለይተይ ሙሌከ ዉሬነ»

ያጊስ፥ 13 ሽን ጦሳይ በ ኪተንቸቱፔ እሱዋኔ፥

«ታን ኔ ሞርኬተ ኔን

ቶሁውን ዩድዮባ አተነ ገከናስ፥

ሀገን ታፔ ኡሸቸ በገን ኡተ»

ግቤነ፥ 14 ኪተንቸት ኡባይ ጦሰው አተነውኔ አቶቴታ ዴመነ አሰተ ማደነው ጦሳይ ኪትዶ አያነተ ግዶኮናዬ?

አቶቴታይ ግተባ ግድዮጋ

2 ¹ሄጋ ግሸው፥ ኑን ስይዶ ቱሙ ዮሁዋፔ ዎረ ቤነ መለ፥ ሄ ዮሁዋ ምንት አይቀነው ቤሴስ። ²አይስ ጊኮ፥ ኪተንቸት ዮትዶ ቃለይ ቱሙ ግድዮ ግሸው፥ ናቅየ ዎይ አዘዜቴነ አሰይ ኡብይ ቀጠዬትዶባ ግድኮ፥ ³ያትን፥ ኑን ሀ ግተ አቶቴታ ዉዴናጌተ ግድኮ፥ ዋንድ ኬስ ኤከኔ? ጎደይ ኮይሮ በ ሁጴን ሀ አቶቴታ ዮቲስ፤ ቀስ እ ዮትዶጋ ስይዳጌት ኑዮ ጊሸድ ዮትዶሶነ። ⁴ሄ ስይዳጌት መርከትዶጋ ቦል ጦሰይክ መላታ፥ አረተባኔ ጦሰይ ኦትዮ ዱመ ዱመ መላታ ኦትዮገን ጉጅ መርከቲስ፤ ቀስ ጊሸ አያና እሙዋክ በ ኮይዶጋደን፥ ግሸ ገቲስ።

አቶቴታዮ ካሌትያጋ

⁵አይስ ጊኮ፥ ጦሰይ ኑን ሃሰይዮ ስንተፔ ያነ ሰአ፥ ኪተንቸተ ሃርስቤነ። ⁶ሽን ጦሳ መጣፈይ እስሰን ሀጋደን ያጌስ፤

«ጦሰው፥ ኔን አሰባ ቆፕነው አስ አይቤ?
ዎይ ኔን አዮ ህርገነው እ አይቤ?»

⁷ኔን ኪተንቸቱፔ
አመርደ ዎድያ አ ጉተደሰ።
አ ሁጵዮንክ ቦንቸኔ
ሰበ አክሊልያ ዎተደሰ።

⁸ቀስ ኡብባ አ ቶሁዋፔ ገርሳረ
ዎተደ ሃርሰደሰ።

ያጌስ። አይስ ጊኮ፥ ጦሰይ ኡብባክ አ ሃርስዶገን አን ሃራትቤነብ አይብኔ ባወ፤ ሽን ሀእ ኡብባይ አዮ ሃራትዮብ ኑዮ ቤቴነ። ⁹ሽን ኑን ዩሱሰ ቤኦስ፤ ዩሱሰ ጦሳ አሮ ኪህቴታ ቦጋረ አሰ ኡብው ሀይቀነ መለ፥ አመርደ ዎድያ ኪተንቸቱፔ ገርሰ ግዲስ። ቀስ ሀይቆ ዋይያ እ ዋዬትዶ ግሸው፥ ፖእየ ቦንቸኔ ሰበ አክሊልያ ዎትዳጋ ሀእ ኑን ቤኦስ። ¹⁰ጦሰይ ኡብባ ሜድያጌ፥ ኡብባክ ናግያጌ፥ ዩሱሰ ደሮ ናተ ኤሄድ፥ በናረ ቦንቸሰነ መለ፥ ዋይያ ቦጋረ ዩሱሰ ቦል ቦይናጋ ኦተነው ቤሴስ፤ አይስ ጊኮ፥ ሄ ናተ አቶቴታዮ ካሌትያጌ ዩሱሰ።

¹¹አይስ ጊኮ፥ አሰ ጊሸያገውክ ቀስ ሄ ጌይደ አሰ ኡብውክ አወይ እሱዋ። ዩሱሰ ኤተ፥ «ተ እሸንተ» ጊድ ዩለቴነን ጤስዮጌ ሄጋሰ። ¹²ዩሱሰ፥

«ታን ኔ ሱንታ ተ እሸንቱዮ አዋጀነ።
ማበራ ሸቁወንክ ኔነ ገለተነ»

ያጌስ። ¹³ቀስ እ፥ «ታን ተ አመኑዋ ጦሰን ዎተነ» ቀስክ፥ «ጦሰይ ተው እምዶ ናቱረ ታን ሀገን ዴአይስ» ያጌስ።

¹⁴ናተ ጊድ እ ጤስዮጌት፥ አሾፔኔ ሱተፔ ሜሬትደ አሰተ ግድዮ ግሸው፥ ዩሱሰ በ ሁጴን ኤተ ምለትድ፥ ኤተ ሜሬታ ኤኪስ፤ ቀስ እ ሄጋ

አትዶጌ፥ ጠለሄ ሀለቃ ዎልቃ በ ሀይቁወን ጠይሰናሰ። 15 ቀስ በንተ ደኦ ኡብን ሀይቁወው የይድ፥ አው አይሌትድ ዴእያጌተ ኡብተ አይሌቴታፕ ኬሲስ።

16 አይስ ጊኮ፥ አብረሃመ ዘርያ እ ማድዮጋፕ አትን፥ ኪተንቸተ ማዴናጌ ኤሬቲስ። 17 ሄጋ ግሸው፥ አሳ ነገረይ አቶ ጌቴተነ መለ፥ ጦሳ አሱወን አመኔትደ ማርየ ቄሴ ኡብቱ ሀለቀ ግደነ መለ፥ ኡብበን እ በ እሸንተ ምለተነው ቤሴስ። 18 አይስ ጊኮ፥ እ በ ሁጲን ፓጨትዶ ግሸውኔ ዋዩትዶ ግሸው፥ ፓጨትዶጌተ ማደነው ደንደዩስ።

ዩሱስ ሙሴፕ ቦለ

3 1 ሄጋ ግሸው፥ ጦሳይ ጤስዶ ጌሸ እሸቶ፥ ኑ አመኑወው ጦሳይ ኪትዶጋ ቄሴ ኡብቱ ሀለቃ፥ ዩሱስ ክርስቶስ ቆፕቴ። 2 ሙሴ በ አሱወን ጦሳ ኪተ ኡብን አመኔትዳጋ ግድዶጋደን፥ ዩሱስከ በነ ዶርድ፥ ሀ አሱወው ዩድደ ጦሳዮ አመኔትዳጋ። 3 አይስ ጊኮ፥ ኬጤትየ ኪታፕ ኬፕየ ብተኔ ቦንቼትዮጋደን፥ ሙሴጋፕ አድየ ቦንቼዋ እ ኤከነው ቤስዮጌ ኤሬትዳጋ። 4 አይስ ጊኮ፥ ኪተ ኡባ ኬፕዳጌ እስ አሰ፤ ሽን ኡብባ ኬፕዳጌ ጦሳ። 5 ሙሴ ጦሳ ኪተ ኡብን አመኔትደ አሽከረ ግድድ፥ ጦሳይ ስንተፕ ጋነባ መርከቲስ። 6 ሽን ክርስቶስ ጦሳ ኪተን ነአደን አመኔትዳጋ፤ ኑን ኤከነ ጊድ ኡፈይሰን ናግዮጋ ጠለቴታጌ አመኑወን ናግኮ፥ ጦሰው ኪተ ግድስ።

ጦሳ አሰይ ሼምፕዋ ዴጦነ

7 ሄጋ ግሸው፥ ጌሸ አያነይ ሀጋደን ያጌስ፤

«ጦሳ ቃላ እንቴ
ሀች ስይያባ ግድኮ፥

8-9 እንቴ አወት ታዮ እፕ መከልድ፥
አይተሙ ለይታ ተ አሱዋ ቤእዶ
በዞ ፓጭያ ገለሳደን፥

እንቴከ ዞሬ ኤከነን እጦፕቴ።

10 ሄጋ ግሸው፥ ታን
ሄ አሳ ሀንቁተደ፥
(ኤት ኡብ ዎዴ በንተ ዎዘንን በሎሶነ፥
ተ ኦግያከ ኤርቦኮነ) ያጋስ።

11 ሄጋደንከ ቀስ፥
ታን ሀንቁተ ጫቀደ፥
(ታን ሼምፕዮሳ ኤት
ሙሌከ ጌሎኮነ) ያጋስ»

ያጌስ። 12 ተ እሸቶ፥ ዴኦ ጦሳፕ እንቴነ ሻክየ ኢተ አመኔነ ዎዘን እንቴነን አናጌ ኤኤነ መለ ናጌትቴ። 13 ሽን ጦሳይ እንቴነ ኡብ ገለስ ሀች ጊድ

ጤስሽን፣ እንቴፍ አንኔ ነገር በሌትን፣ ዞሬ ኤኬነን እጤነ መለ፣ እሶይ እሱዋ ዞርቴ። 14 አይስ ጊኮ፣ ኑን ኮይር ኑዮ ዴጋየ አመኑዋ ዉርሴተይ ገከናስ ምንት ናግኮ፣ ክርስቶሳረ እስፍ ሻከነ። 15 ጣሳ መጣፈይ፣

«ጣሳ ቃላ እንቴ ሆች ስይያባ ግድኮ፣
ሄ ዎዴ ኤት እጥ መከልዶጋደን፣
ዞሬ ኤኬነን እጦፕቴ»

ያጊስ።

16 ጣሳይ ግዮጋ ስይድ፣ አዮ መከልደ አሰት አኔ? ሙሴ ግብጤፍ ካሌትን ክይደ አብተ ግዶኮናዬ? 17 ጣሳይ አይተሙ ለይታ አነ ሀንቄትዴ? አሀይ በዙወን አትዶ አሰተ፣ ነገራ አትዳጌተ ግዶኮናዬ? 18 ቀስ ጣሳይ ባዮ አዘዘቴነን እጥዳጌት እ ሹምፕዮሳ ሙሌክ ጌሌነ መለ፣ ኤተዮ ጫቅዶጋፕ አትን፣ አዮ ጫቅዴ? 19 ኤት አመንቤነ ግሸው፣ ሹምፕዮሳ ጌለነው ደንደይቤናጋ ኑን ቤአስ።

4 1 ስም ጣሳይ ኑነ በ ሹምፕዮሳ፣ «ጌልሰን» ጊዶጌ ብርነ ግድኮ፣ እንቴፍ አንኔ ሄ ሹምፕዮሳ ጌሌነን አቴነ መለ የዮሰ። 2 አይስ ጊኮ፣ ኤት ዎንጌልያ ምሽራቹዋ ስይዶጋደን፣ ኑንክ ስይደ፤ ኤት ስይዶሰነ፤ ሽን አመንድ ኤክቤነ ግሸው፣ አይኔ ኤተ ጎእቤነ። 3 ግድኮከ፣ ጣሳ አሶይ ሰአይ ሜሬቶሰፍ ዶምን ፖሌትዳጋ ግድኮከ፣ ጣሳይ፣

«ታን ሀንቄተ ጫቅደ፣
(ኤት ታን ሹምፕዮሳ
ሙሌክ ጌሎኮነ) ያጋስ»

ጊዶጋደን፣ ኑን አመንዳጌት እ ሹምፕዮሳ ጌለነ። 4 አይስ ጊኮ፣ ላፑንተ ገለሳባ እስሰን ጣሳ መጣፈይ፣ «ጣሳይ ላፑንተ ገለሰን በ አሶ አባፍ ሹምፕሪስ» ያጊስ። 5 ቀስ ሄ ሶሁወንከ፣ «ኤት ታን ሹምፕዮሳ ሙሌክ ጌሎኮነ» ያጊስ። 6 ዎንጌልያ ምሽራቹዋ ኮይር ስይዳጌት አዘዘትቤነ ግሸው፣ ሹምፖ ሶሁዋ ጌለቦኮነ፤ እስ እስ አሰት ሄ ሶሁዋ ጌለናጌት ዴአሶነ። 7 ጣሳይ ደር ዎድያፍ ጉይየን፣ ዳውተ በጋረ ናአንቱዋ እስ ገለሳ፣ «ሆች» ግዮ ቃለን ኬርድ፣

«ጣሳ ቃላ እንቴ ሆች ስይያባ ግድኮ፣
ዞሬ ኤኬነን እጦፕቴ»

ያጊስ። 8 ጣሳይ ሹምፕዮሳ አሳ ኤፊድ ያሱ ሹምፕስዶባ ግድያኮ፣ ጣሳይ ሀረ ገለሰባ ጉዬ ኬሬነ። 9 ሄጋ ግሸው፣ ጣሳ አሳዮ ሰምቦታ ሹምፖይ ናጌት አቴስ። 10 አይስ ጊኮ፣ ጣሳይ ሹምፕዮሳ ጌልየ አንኔ፣ ጣሳይ በ አሱዋፍ ሹምፕዶጋደን፣ እክ በ አሱዋፍ ሹምፕነ። 11 ስም እስራኤል አሰይ አዘዘቴነን እጥድ፣ ጣሳረ እስፍ ሹምፕዮሳ ጌሌነን አትዶጋደን፣ ኑፍ አንኔ ሄጋ መለ እጡውን ሄ ሶሁዋ ጌሌነን አቴነ መለ ምኖስ።

3:16-18 ቆዳ 14:1-35 4:3 መዘ 95:11 4:4 ዶሜ 2:2 4:5 መዘ 95:11
4:8 ዛር 31:7፣ ያሱ 22:4 4:10 ዶሜ 2:2

12 አይስ ጊኮ፣ ጦሳ ቃለይ ፕጠ ዴኤስኔ ኦቲስ፤ ናኡ ዞዜ ዴእዮ ብሱዋፔክ አድድ ቀረቴስ። ሄ ቃለይ ሺምፖይኔ አያነይ፣ ኩሬኔ ኮልዜ እስፔ ገይትዮሳ ሻከነ ገከናስ ጨዴስ። ቀስ አሰ ዎዘነን ዴእዮ ኮሻኔ ቆፋ እ ሻኬስ። 13 ኑን ኦትዮባ ዎችዮ ጦሳ ስንተን ኡብበይከ ቤትዮጋፔኔ ቆንጭየን ዴእዮጋፔ ኦትን፣ አ አይፍየን ጌምየ ሜሬት አይብኔ ባው።

ዮሱስ ቄሴ ኡብቱዮ ግተ ሀለቀ

14 ስም ሰሉዋ ቢደ ቄሴ ኡብቱ ግተ ሀለቀይ፣ ጦሳ ነአይ ዮሱስ፣ ኑዮ ዴእዮ ግሸው፣ ኑ አመኑዋ ምንት ናጎስ። 15 አይስ ጊኮ፣ ኑ ቄሴ ኡብቱ ሀለቀይ ኑን ዳፉርዮ ዎዴ ኑዮ ቀሬተነው ደንደዮስ፤ ነገረ እ ኦትቤናጋፔ ኦትን፣ ኑነደን ኡብበንክ ፓጨቲስ። 16 ስም ኑነ ኮሸዮ ዎዴ ማድየ ማሮቴታ ኤከነውኔ አሮ ኬሀቴታ ዴመነው፣ አሮ ኬሀቴተይ ዴእዮሳ ጦሳ አራታኮ፣ የዮነን ሺቆስ።

5 1 ቄሴ ኡብቱ ሀለቀት ሁጵየን ሁጵየን በ አሳ ግዶፔ ዶሬትድ፣ ሄ አሳ ግሻ ጦሰው ኦተነው፣ እመዋ እመነውኔ ነገራ የርሹዋ የርሸነው ሱንቴትዶሶነ። 2 እ በ ሁጵን ዳፉረንቸ ግድዮ ግሸው፣ ተማርቤናጌቱዮኔ በልያጌቱዮ ቀሬተነው ደንደዮስ። 3 ሄጋ ግሸው፣ ሄ ቄሴ ኡብቱ ሀለቀይ አሳ ግሸው የርሹዋ የርሸዮጋደን፣ በ ሁጵ ነገራ ግሸውከ የርሸነው ቤሴስ።

4 ጦሳይ አሮነ ቄሴ ኡብቱ ሀለቀ ግደነው ጤስዶጋደን፣ ጦሳይ ጤሰናፔ ኦትን፣ አንኔ ቄሴ ኡብቱ ሀለቀ ግድዮ ቦንቹዋ በው ኤከነው ደንደዮነ። 5 ሄጋደንከ፣ ክርስቶስ ቄሴ ኡብቱ ሀለቀ ግድዮ ቦንቹዋ በው ኤክቤነ፤ ሽን ጦሳይ አ፣

«ኔን ተ ነአ።

ታን ሀች ኔዮ አወ ግዳስ»

ያጊስ። 6 ሄጋደንክ ቀስ ሀረሰን፣

«መልክ-ጤዴቅ ቄሴ ግድዶጋደን፣

ኔንከ ሜርነው ቄሴ ግደነ»

ያጊስ።

7 ዮሱስ ስአን ዴእዮ ዎዴ፣ በነ ሀይቁዋፔ አሸነው ደንደይየ ጦሳ ኬሀ ዮክድኔ አፉጥድ ዎሲስኔ አይቺስ፤ ጦሳይ አ ዎሳ ስይዶጌ፣ እ በነ ቶችዶጋሰኔ በው የይዶጋሰ። 8 ዮሱስ ጦሳ ነአ ግድኮከ፣ በ ዋዮትዶ ዋይየን አዘዜትዮጋ ተማሪስ። 9 ዮሱስ በል በይናጋ ግድዶ ዎዴ፣ በው አዘዜትዮ ኡብው ሜርና አቶቴታ ዴመነው ጋሶ ግዲስ። 10 ቀስ ጦሳይ መልክ-ጤዴቀ ሱንተቴታደን፣ ቄሴ ኡብቱ ሀለቀ ግደነ መለ፣ አ ሱንቲስ።

5:3 ዎጋ 9:7 5:4 ኬሳ 28:1 5:5 መዘ 2:7 5:6 መዘ 110:4
5:7 ማት 26:36-46፣ መር 14:32-42፣ ሉቃ 22:39-46

አሰይ በሌናደን አዲትደ ምኖ አዱዋ

11ኑን ሀ ዮሁውን ሃሰየነበይ ደሮበይ ዴኤስ፤ ሽን እንቴ አኬከነው አዘለ ግድዮ ግሸው፥ እንቴዮ ዮት ጌልሰነው ወይሴስ። 12 አይስ ጊኮ፥ እንቴ ሀ ዎድየን ተማርስያጌተ ግደነው ቤሰኮከ፥ ጦሳ ቃላ ኮይሮ ትምርትያ እንቴነ ዛሬት ተማርስየ እስ ኡራ ኮሼስ፤ እንቴነ ኡይዮ ማተ ኮሼስፕ አትን፥ ምኖ ቁመ ኮሼነ። 13 ማተ ፓሄትድ ዴእየ አንኔ ገጭኖ ነአ ግድዮ ግሸው፥ ጥሎቴታ ትምርትያባ ኤሬነ። 14 ሽን ምኖ ቁመይ ኢታ ኬሃ ዴኡዋ ደሩውን ሻክደ ዎዘናመ አሳሰ።

6 1-2 ሄጋ ግሸው፥ ክርስቶስ ትምርትያ ብሮን ዶምያጋ አግ በይድ፥ ዎዘናመ አሰ ትምርትየው ስንተው ቦስ፤ ኮይሮ ኑን ተማርነው ኮሸዮ ትምርትያ ዎድ ኤቅድ ተማርነው ኑዮ ቤሴነ፤ ሄ ትምርቴ አይቤ ጊኮ፥ ፐቴነ አሱዋፔ ስምዮጋ፥ ጦሳ አመንዮጋ፥ ጥንቀቴባ፥ ኩሼ ዎቶባ፥ ሀይቆፔ ዴንዶባኔ ሜርና ፕርዳባ። 3 ጦሰይ አትቴ ጊኮ፥ ሄጋ ኑን አተነ።

4-5 አይስ ጊኮ፥ እስቶክ ፖኦይ ፖእዶጌተኔ ሰሉዋ እሙዋ ባር ቤእዳጌተ፥ ቀስ ጌሽ አያናከ ሻክ ኤክዳጌተኔ ጦሳ ቃላይ ሎኦ ግድዶጋ ሰይ ኤርዳጌተ፥ ስንተፔ ያነ ሰአ ዎልቃከ ቦች ጤልዳጌተ፥ 6 ሄጋፔ ጉዬ ስምድ ከድዳጌተ ነገራፔ ናአንቴዋ ዛርናጌ ደንደዬቴነባ፥ አይስ ጊኮ፥ ሄጌት ጦሳ ነአ መስቀልያ ቦል ምስማርየን ጥሸድ ከቆሶነኔ አሰ ስንተን ከውሸሶነ።

7 አብ ዎዴ ቡክየ እራ ኡይድ፥ ጎይደ ኡራ ጎእየ ከታ ሞክየ ቢታ ጦሰይ አንጄስ። 8 ሽን ቡሉዋ ቡዙዋ ሞክኮ፥ አይኔ ጎኤነ፤ ቀንጌተው ሺቅ ኤቂስ። ቀስ ዉርሴተን ጡጌተነ።

9 ሽን ኑ ሲቆቶ፥ ኑን ሀጋደን ሃሰይያባ ግድኮከ፥ እንቴ አቶቴተው ግድዮ ሎኦበይ እንቴዮ ዴእዮጋ ኤሮስ። 10 አይስ ጊኮ፥ እንቴ አትዶ አሱዋኔ ቀስ አመንያጌተ ማድዶጋንኔ ሀእከ ማድዮገን ጦሳ ሲቅዶ ሲቁዋ ጦሰይ ዶገነው ዎርደንቸ ግዴነ። 11 እንቴ ሁጵየን ሁጵየን ዴመነ ጊድ፥ ኑን ኡፊይሰን ናግ ኡትዶ ኩሜተ ቱመቴታ ዉርሴተይ ገከናስ፥ ከሴጋደን ምንትድ ናገነ መላ አሞቶስ። 12 ጦሰይ እመነ ጊዶጋ አመኑዋንኔ ጌንጨን ላትያጌቱ መላ እንቴ ግደናጋ ኑን ኮይዮጋፔ አትን፥ አዘለ ግደናጋ ኮዮኮ።

ጦሰይ እምዶ ህዶተይ ስርሴናጋ

13 ጦሰይ አብረሃመዮ እመነ ጊድ ጫቅዶ ዎዴ፥ ባፔ አድዮ ግት በይነ ግሸው፥ በ ሁጵየን ጫቂስ። 14 ጦሰይ አ፥

«ታን ኔነ አንጄነ፤
ኔ ዜሬታከ ጮረየነ»

ያግድ ጫቂስ። 15 ሄጋደንከ፣ አብረሃም ጌንጭ ናግድ፣ ጦሰይ እመነ ጊዶጋ ኤኪስ።

16 አይስ ጊኮ፣ አሰይ ባፔ ግተትየ ኡረን ጫቂስ፤ ቀስ ሄ ጫቆይ ፐለመ ኡባክ ቴቁስ። 17 ሄጋ ግሸው፣ ጦሰይ በ እመነ ጊዶጋ ላተናጌቱዮ በ ቆፋ ሙሌክ ላሚናጋ ጊሽ ዮተነው ኬህ ኮይድ፣ ሄጌ ቱመ ግድዶጋዮ ጫቂስ።

18 ጦሰይ ምርዶተነው ደንደዮነ ሀ ናኡ ላሚቴነ ዮሆቱን፣ እ እመነ ጊዶ ኑ ስንተን ዴእያጋ አይቀነው በቀትደ ኑዮ ግተ ምንቴቶይ ዴኤስ።

19 ሀ ኑን ዴመነ ጊድ ኡፈይሰን ናግ ኡትዶጌ፣ ኑ ሺምፕዋዮ መርከብያ አይቅየ ቃሜነ ብረተ መለ፤ ሄ ኑን ዴመነ ጊድ፣ ኡፈይሰን ናግ ኡትዶጌ ኤሬትደ ምኖ ግድድ፣ መገለሻ ግዶ ጊሸሳ ጌሴስ። 20 ቀስ ዩሱስ መልክ-ጤዴቀ ሱንተቴታደን፣ ሜርነው ቄሴ ኡብቱ ሀለቀ ግድድ፣ ኑ ግሻ ኑፔ ከሴትድ፣ ሄ ሶሁዋ ጌሊስ።

ቄስያ መልክ-ጤዴቀ

7 1 ሀ መልክ-ጤዴቅ፣ ሰሌመ ከዎይ፣ ኡባፔ ቦለ ጦሳ ቄሴ፣ አብረሃም ከዎተ ምርድ አላፔ ስምሽን፣ አረ ገይትድ፣ አ አንጂስ። 2 አብረሃም በ አሞድዶ ኡባፔ አስረታ ኬስድ፣ አዮ እሚስ፤ መልክ-ጤዴቀ ሱንተው ኮይሮ ብርሼተይ ጥሎቴታ ከወዋ ግዮጋ፤ ቀስ ሰሌመ ከዎ እ ግድዮ ግሸው፣ ናኦንቶ ብርሼተይ ሰሮቴታ ከወዋ ግዮጋ። 3 መልክ-ጤዴቀዮ አይያ ዎይ አወይ፣ ዎይ አዮ ዘሬ ፐይዶይ ባወ፤ ቀስ አ ዩሌተው ዶሜት ዎይ አ ሀይቁው ዉርሴት ባወ፤ ሽን ጦሳ ነአ ምለትድ፣ ሜርነው ቄሴ ግዲስ።

4 ኑ አወቱ ሀለቀይ አብረሃም አለን አሞድድ፣ ኤሂዶባፔ አስረታ እምዶ መልክ-ጤዴቅ አይ ኬነ ግተኮ ቤእቴ። 5 ቄሴ ግድዮ ሌወ ዘሬት እስራኤለ አሳፔ፣ ሄጌኔ በንተ ዴሬ አሳፔ ሀረይ አቶ ኤት አብረሃም ዘሬ ግድኮከ፣ አስረታ ኤከነ መለ፣ ሀግየን አዘዜትዶሶነ። 6 መልክ-ጤዴቅ ሌወ ዘሬ ግዴነ፤ ሽን አብረሃምፔ አስረታ ኤክድ፣ ጦሰይ እመነ ጊዶጋ ናግየ አብረሃም አንጂስ። 7 ቀስ አንጅያጌ አንጅትዶጋፔ ግተትዮጌ ፐለንቴነ።

8 እስ በጋረ፣ ሀይቅየ አሰይ አስረታ ኬሴስ፤ ሽን ሀረ በጋረ ቀስ፣ ሀይቄነ ጊድ መርከትዮ ኡረይ አስረታ ኬሴስ። 9 ሀጋደን ሃሰየነው ሀረይ አቶ፣ አስረታ ኬስየ ሌውከ አብረሃም በጋረ አስረታ እሚስ። 10 አይስ ጊኮ፣ መልክ-ጤዴቅ አብረሃማረ ገይትዮ ዎዴ፣ ሌው ብርን ዩሌትቤነ፤ ሽን በ ዘርያ አብረሃም ጉልበተን ዴኤስ።

11 እስራኤለ አሳዮ ሀጌ ሌወ ቄሴቴታ በጋረ እሜቲስ። ሄ ቄሴቴታ አሰይ በል በይናጋ ግድኮ፣ አርናጋ መለ ግዴነን መልክ-ጤዴቀ መለ ሀረ ቄሴ ሱንተተነው አይስ ኮሺ? 12 አይስ ጊኮ፣ ቄሴቴተይ ላሜትዮ ዎዴ፣ ሀጌከ ቀስ ላሜተነው ኮሺስ። 13 ሀ ዮሆይ ሃሰዩትዶ ኡረይ ሀረ ዘሬ፤ አ

6:14 ዶሜ 22:16-17 6:19 ዎጋ 16:2 6:20 መዘ 110:4
7:1-2 ዶሜ 14:17-20 7:5 ቆዳ 18:21

ዘርያፔ ኦንኔ የርሸዮሰን ቄሴደን ኦትቤነ። 14ኑ ጎደይ ይሁዳ ዘርያፔ ዩዶጌ ኤሬትዳጋ ግድዮ ግሸው፥ ሙሴ ቄሴቱባ ሃሰዩድ፥ ሄ ዘርያባ አይኔ ሃሰይቤነ።

ክርስቶስ መልክ-ጤዴቀ መለ ቄሴ

15 መልክ-ጤዴቀ መለ ሀረ ቄሴ ዩዶባ ግድያኮ፥ ሀጌ አድድ ኤሬተነ። 16 እ አስ ሀጌንኔ ዎገን ቄሴ ግድቤነ፤ ሽን ዉሬነ ዴኡዋ ዎልቀን ቄሴ ግዲስ። 17 አይስ ጊኮ፥ ጦሳ መጣፈይ፥

«መልክ-ጤዴቅ ቄሴ ግድዶጋደን፥
ኔንክ ሜርነው ቄሴ ግደነ»

ያግድ መርከቲስ። 18 ቤን ዴእየ ሀጌ ላፈኔ ፐቲናጋ ግድዮ ግሸው አቲስ። 19 አይስ ጊኮ፥ ሙሴ ሀጌ አይበኔ በል በይነባ ኦተነው ደንደዩነ፤ ቀስ ኑን አ በጋረ ጦሳኮ ሺቀነ ጊድ ኡፈይሰን ናግ ኡትዶ ኡባፔ አድያጌ ዩስ።

20 ሄጋ ቦለን ቀስ ጦሳ ጫቆይክ ዴኤስ፤ ሀረት ቄሴ ግድዶ ዎዴ፥ ሄጋ መለ ጫቆይ ባው። 21 ሽን ዩሱስ ጫቁውን ቄሴ ግዲስ፤ ጦሳይ አ፥

«ጎደይ ጫቁስ፤ እ በ ቆፋ ላሜነ፥
(ኔን ሜርነው ቄሴ ግደነ) ጊስ»

ያጊስ። 22 ሄጋ ግሸው፥ ዩሱስ ኡባፔ አድዮ ጫቁው ዋሴ ግዲስ።

23 ከሴ ቄሴቱ ቆደይ ደሮ፤ አይስ ጊኮ፥ ኤት ኦተነ ኦሱዋ ሀይቆይ ድጊስ። 24 ሽን ዩሱስ ሜርነው ዴእየ ግሸው፥ አ ቄሴቲታይ ላሜቴነ።

25 ሄጋ ግሸው፥ እ ኤተ ግሻ ጋነተነው ሜርነው ዴእየ ግሸው፥ ጦሳኮ በ በጋረ ይያጌተ ሙሴረ አሸነው ደንደዩስ።

26 ኑዮ ጊግየ ሀጋ መለ፥ ቄሴ ኡባቱ ሀለቀይ ዴአነው ኮሼስ፤ እ ጌሸ፤ አን ጌኔኔ ቦርሶይ ባው፤ ነገረንቸቲረ እ ገይቴነ፤ ቀስ ጦቀ ሰሉውንክ እ ቦንቼቲስ። 27 ሀረ ቄሴ ኡባቱ ሀለቀቲደን፥ እ ኮይሮ በ ሁጲ ነገራስ የርሸድ፥ ቀስ ጉዩፔ አሳ ነገራስ ሀቸ ሀቸ የርሸነው ኮሼነ፤ እ በነ የርሸዶ ዎዴ፥ ናአንቴነን እስቶ የርሸስ። 28 አይስ ጊኮ፥ ሙሴ ሀጌ ዳፉረንቸ አሳ ቄሴ ኡባቱ ሀለቀ ኦትድ ሱንቴስ፤ ሽን ጦሳይ እመነ ጊድ ጫቅዶ ሀግያፔ ጉዩ ዩደ ቃለይ ሜርነው በል በይናጋ፥ ጦሳ ነአ ሱንቴስ።

ዩሱስ ኦረተ ማቻ ቄሴ ኡባቱ ሀለቃ

8 1ኑን ሃሰይዮ ግተቦይ ሀጋ፤ ሰሉውን ኡባፔ ቦለ ጦሳይ ኡትዮ ከዎቃ አራታፔ ኡሸቸ በጋረ ኡትደ ቄሴ ኡባቱ ሀለቀይ፥ ሀጋ መለይ ኑዮ ዴኤስ። 2 ጌሸ ሰሁዋንኔ ቱሙ ዱንካንየን እ ኦቴስ፤ ሄ ዱንካኔ አስ ኤስዶጋ ግዴነን፥ ጦሳይ ኤስዶጋ።

3 ቄሴ ኡባቱ ሀለቀ ኡባቱ እሙዋኔ የርሹዋ ጦሰው እመነው ሱንቴትዶ ግሸው፥ ሀ ቄሴ ኡባቱ ሀለቃዮከ የርሸነው እስቦይ ዴአነው ኮሼስ። 4 ስም ሰአን እ ዴእየባ ግድኮ፥ ሙሴከ ቄሴ ግዴነ፤ አይስ

ጊኮ፥ ህጌ አዘዝዮጋደን፥ እሙዋ እምየ ቁሴት ደዓላሳ። ⁵ኤት ቁሴቱጋደን ኦትዮ ኦሶይ ሰሎውን ደእየ ኦሱውው ቱሙ ሌምሶኔ ኤሾ፤ አይስ ጊኮ፥ ሙሴ ዱንካንያ ኤሰነ ሀንሸን፥ ጦሰይ አ፥ «አኬከ፤ ኡባባከ ታን ኔነ ደርያ ሁጵየን ቤስዶ ሌምሱዋ ካለደ ኦተ» ያጊስ። ⁶ሸን ዩሱስ ጋነትዮ ማቸይ ከሴጋፔ አድዮጋደንከ፥ አዮ እሜትደ አሶይከ ኤታጋፔ አዲስ፤ አይስ ጊኮ፥ ሄ ማቸይ ጦሰይ እመነ ጊዶ ኡባፔ አድዮ ኦሱውን ኦሴቲስ።

7አይስ ጊኮ፥ ኮይሮ ማቸን በል በይነባ ግድያኮ፥ ናአንቶ ማቸ ኮሼነ። ⁸ሸን ኤተ ቦሪድ፥ ጎደይ ሀጋደን ያጊስ፤

«ታን እስራኤል አሳረኔ ይሁዳ አሳረ
አረተ ማቸ ማጨትዮ ገለሰት ያነ።

9 ሄ ማቸይ ታን ግብጤ ቢታፔ
ኤተ አወቱ ኩሽያ አይቀደ፥ ጎቸ ኬስዶ ዎዴ፥
ኤታረ ማጨትዶ ማቸ መለ ግዴነ።
ኤት ተ ማቸን አመኔትቤነ ግሸው፥ ታንከ ኤተ ዩገ በያስ።
ታን፥ ጎደይ፥ ሀጋ አደይስ።

10 አይስ ጊኮ፥ ሄ ገለሰቴፔ ጉይየን፥
ታን እስራኤል አሳረ ማጨተነ ማቸይ ሀጋ፥
ታን ተ ህግያ ኤተ ቆፈን ዎተነ፤
ቀስ ኤተ ዎዘነንከ ጣፈነ።
ታን ኤተ ጦሳ ግደነ፤
ኤትከ ተ አሰ ግደነ።


11 ኤተፔ አንኔ በ ሾሩዋ ዎይ በ እሻ፥
‹ጎዳ ኤረ› ያግድ ተማርሴነ።
አይስ ጊኮ፥ ኤት ጉታፔ
ግታ ገከናስ ኡባይ ተነ ኤሮሶነ።

12 ታን ኤተ ናቁዋ ማረነ፤
ኤተ ነገራከ ናአንቶ ሀሰይኬ»

ያጊስ። ¹³ጦሰይ አረተ ማቸ ጊድ ሃሰይዮገን ኮይሮጋ ጨጌቲስ፤ ቀስ ጨግያበይኔ ዉርያበይ ኤሱውን ጠየነ።

ሰሎውን ኦሴትየ አያና ኦሶይ ሰአን ኦሴትየ አያና ኦሱዋፔ አዲስ

9 ¹ኮይሮ ማቸዮ ጦሰው ጎይንዮ ዎገይኔ አሰይ ኦትዶ ቤተ መቅደሴ ደዴስ። ²አይስ ጊኮ፥ ኮይሮ ዱንካኔ ኤቁስ፤ አ ግዶን ሙቃዳ ዎትዮጌ፥ ጠረጴዘይኔ ጎዳ ስንተን ዎትዮ አይተይ ደዴስ፤ ሄ ሰሁዋ ጊሸ ሰሁዋ ጊድ ጤሴቴስ።* ³ናአንቶ መገለሹዋፔ ጉዬ በጋረ ኡባፔ አድየ ጊሸ ሰሆ ጌቲትየ ዱንካኔ ደዴስ። ⁴አ ግዶን እጣና ጨወየነው ዎርቀፔ ኦትዶ ሳጥኔኔ ኡባሳረ ዎርቀን ሹሽዶ ማቸ ታቦተይ ደዴስ። ሄ ማቸ



ጌሽ ሶሁዋ (እብራ 9:2)

ታቦተን መነይ ዴእዮ ዎርቀ ጣርይ፥ ኣሮነ ጠምኣይ ኣጭዳኔ ቀስ ሙሴ ህጌ ጣሬትዶ ናኡ መሴትደ ሹቸት ዴኣሶነ። 5ሄ ማቻ ታቦታፔ ቦለ ቦጋረ ኣቶ ግዮ ሶሁዋ ቁምኡዋ ቦንተ ቁፍየን ጌንትየ ቦንሾ ክሩቤት ዴኣሶነ፤ ሽን ሀ ኡብባ ሀእ ዉርስ ዮተነው ደንደዮተ።

6ሄጌ ሄጋደን ጊግዳሽን፥ ቁሴት ኡብ ዎዴ፥ ቦንተ ኣሱዋ ኣተነው ኮይሮ ዱንካንያ ጌሎሶነ። 7ሽን ቁሴ ኡብቱ ሀለቀ ጠላለይ ናኣንቶ ዱንካንያ ለይታፔ እስቶ ጌሎስ፤ ጌሊድ በ ግሸውኔ ኤሬነን ኣስ ኣትዶ ነገራ ግሸው፥ ጦሳዮ ዮርሸዮ ሱታ ኤክድ ጌሎስ። 8ኮይሮ ዱንካኔ ኤቅ ዴእሽን፥ ኡባፔ ኣድየ ጌሽ ሶሁዋ ኤፍየ ኣጌ ብሮን ዶዬትቤናጋ ጌሽ ኣያነይ ሄንን ኤርሴስ።

9ሄ ዱንካኔ ሀ ዎድየው ሌምሶ፤ ሄጋ ግዮጌ ጦሰው እምዮ እምይኔ ዮርሸይ ጎይንያጋ ዞርየ ዎዞና ቦል በይናጋ ኣተነው ደንደዮተነ። 10ሄጌት ሜታባ፥ ኡሻባኔ ዱመ ዱመ ሜቻባ ዮትያጌተ፤ ኤት ኣረጥዮ ዎዴ ዝክናስ ኣሴትየ ዎገተ።

11ሽን ክርስቶስ ሀገን ዴእየ ሎኣበው ቁሴ ኡብቱ ሀለቀ ግድድ ዪቺስ። ግዶን እ ኣትዮ ዱንካኔ ኡባፔ ኣድያጋኔ ቦል በይናጋ፤ ቀስ ሄ ዱንካንያ ኣስ ኣትቤነ፤ ሀ ሜሬትደ ሰኣባከ ግዴነ። 12ክርስቶስ ኡባፔ ኣድየ ጌሽ ሶሁዋ ጌልዮ ዎዴ፥ ዴሽ ሱተኔ ገሎ ሱተ ኣይቅድ ጌልቤነ፤ ሽን በ ሱታ ኣይቅድ፥ ኑዮ ሜርና ኣቶቴታ ዴምድ፥ ናኣንቴንን እስቶ ጌሊስ። 13ቱንደ ኣስ ቦል ኮርማ ሱታኔ ዴሻ ሱታ ጨጨፍድ፥ ጡጌትደ ኡስ ብድንተ

9:4 ኪሳ 16:33፤ 25:10-16፤ 30:1-6፤ ቆዳ 17:8-10፤ ዛር 10:3-5
 9:5 ኪሳ 25:18-22 9:6 ቆዳ 18:2-6 9:7 ዎጋ 16:2-34

ቆልን፥ ሄ ኡራ ቱነቴታፔ ጊሸነው ደንደይኮ፥ 14ሜርና ጊሸ አያና በጋሪ በል በይነ የርሾደን፥ ጦሰው በነ እምደ ክርስቶስ ሱተይ፥ ኑን ዴኦ ጦሰው አተነ መለ፥ ከሴ ኑ ሀይቅደ አሱዋፔ ኑነ ዞርየ ዎዘና ዋት ጊሸንዴሸ!

15ሄጋ ግሸው፥ ጦሰይ ጤስዶጊት እ እመነ ጊዶ ሜርና አንጃዋ ላተነ መለ፥ ክርስቶስ አረተ ማቸው ጋነቲስ፤ ሄጌ ሀነነ ደንደይዮጌ፥ አሰይ ኮይሮ ማቸፔ ገርሰን ዴኡድ አትዶ በል አይሌቴታፔ ኬስየ ሀይቆይ ዴእዮ ግሸሰ።

16አይስ ጊኮ፥ ሀይቅየ ኡረይ አዘዝዶበይ ዴእኮ፥ ሄ ኡረይ ሀይቅዶጌ ኤሬተነ ኮሼስ፥ 17አይስ ጊኮ፥ አዘዝደ ኡረይ ሀይቅዶ ዎዴ፥ እ አዘዝዶጌ ፖሌቴስ፤ ሄ አዘዝዳጌ ፐጠ ዴእሸን፥ አይኔ ፖሌቴነ።

18ሀረይ አቶ፥ ኮይሮ ማቸይከ ሱት በይነን እንጄትቤናጌ ሄጋሰ። 19-20አይስ ጊኮ፥ ሀግየን ዴእየ አዘዘ ኡባ ሙሴ አሰ ኡባው ዮቴስ፤ ሄጋፔ ጉይየን፥ ገሎ መራ ሱታኔ ዴሻ ሱታ፥ ሃታረ፥ ዞአ ዶርሰ እክስዶረኔ ሂሶጵያ ግዮ ምታ በንጨዋረ እስፔ ኤክድ፥ «ሀጌ እንቴነ ጦሰይ አዘዝዶ ማቸ ሱታ» ያግድ፥ ሀግዶ መጣፋ በልኔ አሰ ኡባ በል ጨጨፊስ። 21ሄጋደንክ፥ ዱንካንያ በልኔ አትዮ ሚሸ ኡባ በል ሱታ ሙሴ ጨጨፊስ። 22ሀጌ ግዮጋደን፥ ቱመከ አመርደባፔ አትን፥ ኡባበይከ ሱተን ጌዮስ፤ ሱት ጉከነ ጠይኮ፥ አቶቴት ባው።

ክርስቶስ የርሼትዶጌ ነገራ ቁጭድ ጠይሴስ

23ሄጋ ግሸው፥ ሰሉውን ዴእያጌተ ምለትያጌት ሄ የርሹውን ጌየነው ኮሼስ፤ ሸን ሰሉውን ዴእያጌትከ በንተ ሁጲን ጌየነው አድየ የርሹዋ ኤተ ኮሼስ።

24አይስ ጊኮ፥ ክርስቶስ ቱሙ ጊሸሰን ሌምሴትየ አሰ አትዶ ጊሸሳ ጌልቤነ፤ ሸን እ ሀእ ኑ ግሻ ጦሳ ስንተን ቤተነው ያ ሰሉዋ ጌሊስ።

25ቄሴ ኡባቱ ሀለቀይ ለይተን ለይተን በ ሱታ ግዴናጋ አይቅድ፥ ጊሸ ሰሁዋ ጌልዮጋደን፥ እ በነ ኡባቶ የርሸነው ጌልቤነ። 26ሄጋ ግድያኮ፥ ክርስቶስ ሰአይ ሜሬቶሰፔ ዶምድ ደሮቶ ዋዬተነው ኮሼስ፤ ሸን ሀእ ዎድያ ዉርሴተን ነገራ ጠይሰነው በነ የርሸድ፥ ናአንቴነን እስቶ ቤቲስ።

27አሰይ ኡባይ እስቶ ሀይቀነው ቤሴስ፤ ሄጋፔ ጉይየን ጦሰይ አሳ ፐርደነ። 28ሄጋደንክ፥ ቀስ ክርስቶስ ደሮ አሳ ነገራ ጠይሰነው እስቶ የርሼቲስ፤ ቀስ እ በነ ምንት ናግያጌተ አሸነው ቤተናፔ አትን፥ ናአንቶ ነገረ ቶክነው ቤቴነ።

10 1አይስ ጊኮ፥ ሀግየው ያነ ሎኦባ ኤሾ ጠላለይ ዴኤስ፤ አዮ ቱሙ ሌምሶይ ባው። ኡባ ዎዴ ለይተን ለይተን እስ መለ የርሾይ የርሼቴስ፤ ሄጋ ግሸው፥ ሀጌ ጦሳኮ ሺቅየ አሰ ሄ የርሾን በል

9:13 ምጋ 16:15-16፤ ቆዳ 19:9፥ 17-19 9:19-20 ኪሳ 24:6-8 9:21 ምጋ 8:15 9:22 ምጋ 17:11 9:28 እስ 53:12

በይነ አሰ ኦተነው ሙሌከ ደንደዮነ። 2 ጦሰው ጎይንዮ አሰይ በ ነገራፕ ሙሌረ ጌይደባ ግድያኮ። በነ ዞርዮ ዎዘነን ናኦንቱዋ ነገረ ቆፕነ፤ ቀስ የርሹዮጋከ ኦግ በየነ። 3 ሽን አሰይ ለይተን ለይተን ሄ የርሹውን በ ነገራ ሀሰዮስ። 4 አይስ ጊኮ። ኮርመ ሱትኔ ዴሽ ሱት ነገረ ጠይሰነው ሙሌከ ደንደዮነ።

5 ሄጋ ግሸው፥ ክርስቶስ ሀ ሰአ ያነ ሀኒድ፥ ሀጋደን ያጊስ፤

«ኔን የርሹኔ እዎ ኮየባከ፤

ሽን ታዮ ቦለ ጊግሰደሰ።

6 ኔን ጡግዮ የርሹዋንኔ

ነገራ የርሹውን ሙሌከ ኡፈይተከ።

7 ታን ሄ ዎዴ፥ (ጣተ መጣፈን

ተበይ ጣፌትዶጋደንከ፥

ጦሰው፥ ታን ኔን ኮይዮጋ

ኦተነው ያስ) ያጋስ»

ያጊስ። 8 የርሹይ የርሹተነ መለ፥ ሀጌ አዘዝዮባ ግድኮከ፥ ክርስቶስ ኮይር፥ «ኔን የርሹ፥ እዎ፥ ጡግዮ የርሹኔ ነገራ የርሹ ሙሌከ ኮየባከ፤ ሄጌቱን ኡፈይተከ» ያጊስ። 9 ሄጋፕ ጉይዮን ክርስቶስ፥ «ጦሰው፥ ታን ኔን ኮይዮጋ ኦተነው ያስ» ያጊስ። ሄጋ ግሸው፥ ክርስቶስ ናኦንቱዋ ኤሰነው ኮይርጋ ጠይሰስ። 10 ዮሱስ ክርስቶስ ጦሰይ ኮይዶጋ ኦትዶ ግሸው፥ በ አሹዋ ናኦንቱነን እስቶ የርሹዶገን ኮን ኮ ነገራፕ ጌይ ኦግደ።

11 ቄሴ ኡበይ ሀች ሀች ኤቅድ፥ በ ኦሱዋ ኦቲስ፤ ቀስ ነገረ ጠይሰነው ሙሌከ ደንደዮነ እስ መለ የርሹዋ ዛር ዛርድ የርሹስ። 12 ሽን ክርስቶስ ነገራ ግሸው፥ ኡበ ዎድየው ግድየ እስ የርሹዋ የርሹድ፥ ጦላፕ ኡሸቸ በጋረ ኡት ኦጊስ። 13 ጦሰይ ስንተፕ ክርስቶስ ሞርኪተ ክርስቶሶዮ ቶሁውን ዮድዮባ ኦተነ ገከናስ፥ ያን ናጊስ። 14 አይስ ጊኮ፥ እ እስቶ የርሹዶገን፥ ነገራፕ ጌይዳጌተ ሜርነው በል በይናጌተ ኦቲስ።

15 ቀስ ጌሽ አያነይ ኑዮ መርከቲድ፥ ሀጋደን ያጊስ፤

16 «ታን ሄ ገለሰቱፕ ጉይዮን፥

ኤታረ ማጨትዮ ማቸይ ሀጋ፥

ታን ተ ሀግያ ኤተ ቆፈን ዎተነ፤

ቀስ ኤተ ዎዘነንከ ጣፈነ»

ያጊስ። 17 ቀስ ሄጋፕ ጉይዮንከ፥

«ታን ኤተ ነገራኔ

ኤተ መከለ ኦሱዋ ናኦንቶ ሀሰይኪ»

ያጊስ። 18 ጦሰይ ሄ ነገረ ኦቶ ጊዶ ዎዴ፥ ነገረ ጠይሰነው ሀጋፕ ስንተው የርሹ ኮሼነ።

ጦሳኮ ሺቀነው ኮሺስ

19 ስም ተ እሸቶ፥ ኑን ዩሱስ ሱታ በጋረ ኡባፕ ኣድየ ጊሸ ሶሁዋ ጌለነው ኑዮ ጠለቲተይ ዴኤስ። 20 ክርስቶስ ኑዮ ኣረተ ኣግያኔ ዴኣ ኣግያ መገለሹዋ በጋረ፥ ሄጋ ግዮጌ በ ቦላ በጋረ ዶዩስ። 21 ኑዮ ጦሳ ኬተን ሱንቴትደ ግተ ቁሴ ዴእዮ ግሸው፥ 22 ኑን ሱሬ ዎዘናረ፥ ቱሙ ኣመኑዋረ፥ ኢተባ ዘርዮ ዎዘናፕ ጌይደ ዎዘናረኔ ቀስ ጥሎ ሃተን ሜጨትደ ቦላረ ጦሳኮ ሺቆስ።

23 ኑዮ እመነ ጊደ ጠሰይ ኣመንትዮ ግሸው፥ ኑን ዴመነ ጊድ ኡፈይሰን ናግ ኡትዶጋ ምንት ኣይቆስ። 24 እሶይ እሱዋረ ዋን ሲቄተናኮኔ ቀስ ሎኣ ኣሱዋ ዋት ኣተናኮ፥ እሶይ እሱውው ቆፖስ። 25 እሶት እሶት ሺቁዋ ሜዜ ኣትድ ሺቅዮጋደን፥ ኑንክ እስፕ ሺቅዮጋ ኣጎክ፤ ሽን ጎዳ ገለሰይ መተትዮጋ እንቴ ቤእዮ ግሸው፥ እሶይ እሱዋ ምንቴቶስ።

26 ኑን ቱመቴታ ኤረቴታ ኤክርግድ፥ ኤሪድ ነገረ ኣትደባ ግድኮ፥ ሀጋፕ ስንተው ነገረ ጠይስየ የርሾይ እሱብኔ ባው። 27 ሽን የሸየ ፕርዳ ናግዮጌኔ ጦሳ እጥየ ኡባ ማነው ዎልቃመ ተመይ ዴኤስ። 28 ሙሴ ሀግየው ኣዘዜቴነ ኡረይ፥ ናኡ ኡረይ ዎይ ሄዙ ኡረይ ኣ ቦል መርከትኮ፥ ቀሬት በይነን ሀይቁስ። 29 ጦሳ ነኣ ከርደ ኡረይ፥ በነ ነገራፕ ጊሸደ ጦሳ ማቻ ሱታ ቱነባደን ቆፕደ ኡረይ፥ ቀስ ኣሮ ኬሀቴታ ጊሸ ኣዶና ጨይየ ኡረይ፥ ኣይ ኬነ ኢተ ፕርዳ ኤከነው ቤስያኮኔ ኣኔ ቆፕፕቴ።

30 ኣይስ ጊኮ፥ «ታን ሀሉዋ ኬሰነኔ ኩሽያ ዛረነ» ጊዳጋ ኑን ኤሮስ፤ ቀስከ፥ «ጎደይ በ ኣሳ ፕርደነ» ያጊስ። 31 ዴኣ ጦሳ ኩሽየን ኩንደናጌ ደሮ የሽያባ።

32 እንቴዮ ጦሳ ፖኣይ ፖኣዶጋፕ ጉይየን፥ እንቴ ደሮበን ዋዮትድ፥ ግተ ወሬተን ጌንጭዶ ቤን ዎድያ ሀሰይቴ። 33 እስ እስቶ እንቴነ ኣሰ ስንተን ጨይዶሶነኔ ፐጠ ካእዶሶነ፤ ቀስ ሀረ ዎዴ ሄጋደን ኣትዶጌቲረ እስፕ ዴእዴተ። 34 ኣይስ ጊኮ፥ ቀሹውን ዴእየ ኣሰቲዮ እንቴ ቀሬትዴተ፤ ያትድ እንቴዮ ሜርነው ወሬነ ኡባፕ ኣድየ ሚሸይ ሰሉውን ዴእዮጋ እንቴ ሁጲን ኤርዶ ግሸው፥ እንቴባ ኡባ ኤክርግንክ ኡፈይሰን ጌንጭዴተ።

35 ሄጋ ግሸው፥ ግተ ዎይቱዋረ ዴእየ እንቴ ጠለቲታ ኣሎፕቴ። 36 ጠሰይ ኮይዮጋ ኣትድ፥ እ እንቴዮ እመነ ጊዶጋ ኤከነው ጌንጨነ ኮሺስ። 37 ኣይስ ጊኮ፥ ጦሳ መጣፈይ፥

«ኣመርደ ዎዴ ኣቲስ።
ይያጌ ያነ፤ ገምኤነ።

38 ተ ጥሎይ ኣመኑውን ዴኣነ።
ሽን ኣንኔ ጉዬ ስምኮ፥
ተነ ኡፈይሴነ»

10:22 ዎጋ 8:30፤ ህዝ 36:25 10:28 ዛር 17:6፤ 19:15 10:29 ኬላ 24:8
10:30 ዛር 32:35፥ 36

ያጌስ። 39ኑን አመንድ አትዳጌቱ በገ ግድዮጋፔ አትን፥ ጉዬ ስምድ ጠይዳጌቱ በገ ግድቱ።

አመኑዋ

11 1አመኖ ግዮጌ፥ ዴመነ ጊድ ኡፈይሰን ናግ ኡትዶበይ አመንትዮጋኔ ቤአነው ደንደዬነባ ኤርሰዶጋ። 2ጠሰይ ቤን ጩገ አሳዮ መርከትዶጌ፥ ኤት አመንዶጋነ።

3ሰአይ ጠሳ ቃለን ሜሬትዶጋ አመኑወን ኑን ኤሮስ፤ ሄጋ ግሸው፥ ቤትያበይ ቤቴነባፔ ሜሬቲስ።

4አቤል ቃኤላጋፔ እድየ የርሹዋ ጠሰው የርሽዶጌ አመኑዋነ። ጠሰይ አ እሙዋባ መርከቲድ፥ እ ጥሎ ግድዶጋከ መርከቲስ፤ አቤል ሀረይ አቶ ሀይቅድከ፥ በ አመኑወን ሀእ ገከናስ ሃሰዬስ።

5ሄኖክ ሀይቄነን ሰሉዋ ቢዶጌ አመኑዋነ፤ ጠሰይ ኤፊዶ ግሸው፥ አንኔ አ ቤአነው ደንደይቤነ። ጠሳ መጣፈይ፥ «ሄኖክ ሰሉዋ ባናፔ ከሴ ጠሳ ኡፈይሰስ» ያጌስ። 6አመኖይ በይነን አንኔ ጠሳ ኡፈይሰነው ደንደዬነ፤ አይስ ጊኮ፥ ጠሳኮ ይየ አንኔ ጠሰይ ዴእዮጋኔ በነ ኮይያጌቱዮ ያይቱዋ እምዮጋ አመነነው ኮሺስ።

7ኖሄ ቤአነው ደንደዬነ ስንተፔ ሀነነበው ጠሰይ፥ «ኔነ ናገ» ግን፥ ጠሰው የይድ፥ በነኔ በ ሶ አሳ አሸነው መርከብያ ኬጥዶጌ አመኑዋነ፤ ያትድ ሄገን ሀ ሰአ ቦል ፕርድድ፥ አመኑወን ቤትየ ጥሎቴታከ ጠሳፔ ኤኪስ።

8አብረሃም ላተናደን፥ ጠሰይ ባዮ እመነ ጊዶ ቢታ ባነ መለ፥ ጠሰይ በነ ጤስዶ ያዴ፥ አዘዘትዶጌ አመኑዋነ፤ እ በ ቢታፔ ክይድ ብዮ ያዴ፥ አው ብያኮኔ ኤሬነን ክዬስ። 9አብረሃም ጠሰይ ባዮ እመነ ጊዶ ቢተን ሀረ ቢተ አሰደን ዴእዶጌ አመኑዋነ፤ ጠሰይ ሄ እመነ ጊዶጋ በናረ እስፔ ላተነ ይሳቃረኔ ያቆባረ ዱንካንየን ዴኢስ። 10አይስ ጊኮ፥ አብረሃም ጠሰይ ሎአ ባሱወን ሀዮትድ ኬጥዶ ከተማ ናጌስ።

11ሳረ በ ሁጵን ሀረይ አቶ ጩገይቸደከ፥ እመነ ጊዶ ጠሰይ አመኔትዳጋ ግድዶጋ ኤርዶ ግሸው፥ ነአ ሸሃረነው ያልቃ ዴምዶጌ አመኑዋነ። 12ሄጋ ግሸው፥ ሀይቅደ አስ ምለትየ እስ ብተንያፔ ሰሉወን ዴእየ ጠልንቴ ኬነ፥ አባ ለንቅየን ዴእየ ቆድ በይነ ሸፌ ኬነ ዘሬት ዬሌትዶሶነ።

13ሄ አስት ኡበት አመኑወን ሀይቅዶሶነ፤ በንተው ጠሰይ እመነ ጊዶጋከ ኤክቦኮነ፤ ሽን ሃሁወን ሄጋ ቤእድ፥ ሰሮትዶሶነ። ቀስ ኤት ሰአን እመተኔ ዬዴቴትድ ክይደ አስተ ግድዶጋ ኤርዶሶነ። 14አይስ ጊኮ፥ ሄጋደን ግየ አስት በንተ ሁጵ ቢታ ኮይዮጋ ኤርሶሶነ። 15ኤት ሄ ዬግድ ክይዶ ቢታ ስመነው ቆፕደባ ግድያኮ፥ ጉዬ ስምዮ ቃዳ ዴሜነን

11:3 ዶሜ 1:1፤ መዘ 33:6፥ 9፤ ዮሃ 1:3 11:4 ዶሜ 4:3-10
11:7 ዶሜ 6:13-22 11:8 ዶሜ 12:1-5 11:9 ዶሜ 35:27
11:11 ዶሜ 18:11-14፤ 21:2 11:12 ዶሜ 15:5፤ 22:17፤ 32:12
11:13 ዶሜ 23:4፤ 1ሀን 29:15፤ መዘ 39:12

አጎኮነ፤ ሽን 16 ኤት ሄጋ አግድ፥ ሎእየ ቢታ ላሞቶሶነ፤ ሄኔ ሰሉዋ ቢታ፥ ሄጋ ግሸው፥ ጦሰይ ኤተ ጦሳ ጌቴተነው ዩለቴነ፥ አይስ ጊኮ፥ እ ኤተው ከተማ ጊግስ ዎቲስ።

17-18 አብረሃም ይሳቀ የርሸናኮ የርሼናኮ፥ ጦሰይ ኤረነው ጦሞሰዶ ዎዴ፥ አብረሃም አመኑውን አ የርሺስ፥ ጦሰይ አብረሃም፥ «ኔ ዘሬ ይሳቀ ቦጋረ ጤሴተነ» ጊዳሽንክ፥ አብረሃም በ ነአ ይሳቀ የርሸነው ጊጊስ። 19 አብረሃም ጦሰይ ይሳቀ ሀረይ አቶ፥ ሀይቁዋፔክ ፐተነው ደንደይዮጋ ኤሪስ፤ ሄጋ ግሸው፥ ሀይቁዋፔ ጉዩ አ ዛርድ ኤኪስ።

20 ይሳቀ ዎዴፔ ሀነነበው ያቆበኔ ኤሰው አንጅዶጌ አመኑዋነ።

21 ያቆብ ሀይቀነ ሀኒድ፥ ዮሴፈ ናተ ሁጵየን ሁጵየን አንጅዶጌኔ ገትመን ጉፊትድ፥ ጦሰው ጎይንዶጌ አመኑዋነ።

22 ዮሴፍ ሀይቀነው መቲድ፥ እስራኤለ አሰይ ግብጤፔ ክየናጋ ሃሰይዶጌ በ ሜቄታ አተነባ ኤተ አዘዝዶጌ አመኑዋነ።

23 ሙሴ ዩሌትዶጋፔ ጉይየን፥ አይያኔ አወይ መላ ሎአ ነአ ግድዶጋ ቤእድ፥ ሄዙ አግነ ቆትዶጌ አመኑዋነ፤ ኤት ከወዋ አዋጁወውክ የይቦኮነ።

24 ሙሴ ድጭዶጋፔ ጉይየን፥ ግብጤ ከወዋ ነኤ ነአ ጌቴተናጋ

እጥዶጌ አመኑዋነ። 25 ነገረን ሙሴ ጉተ ዎድያ ኡፈይተናጋፔ፥ ጦሳ አሳረ ዋዩተናጋ ዶሪስ። 26 ዎዴፔ ዴመነ ዎይቱዋ እ ትሽ አትድ ጤልዶ ግሸው፥ ግብጤ ቢታ ሚሽ ኡባፔ ክርስቶስ ግሸው ቦሬትዮጌ ደር አድየ ዱሬቴተ ግድዶጋ ቆፒስ።

27 ከወዋ ሀንቁወው ሙሴ የዩነን፥ ግብጤ ቢታፔ ክይዶጌ አመኑዋነ፤ አይስ ጊኮ፥ ቤቴነ ጦሳ ቤእደባደን፥ ጌንጭድ ስንተው ቢስ። 28 ሀይቁዋ ኪተንቸይ እስራኤለ አሳዮ በይረ ናተ ቦቼናደን፥ ሙሴ ፓስካ ቦንቸዶጌኔ ቆስሌተን ሱታ ጨጨፍስዶጌ አመኑዋነ።

29 እስራኤለ አሰይ ሚለ ቢተን ሄሜትዮጋደን፥ ዞአ አባ ፕንዶጌ አመኑዋነ፤ ሽን ግብጤ አሰት ጌል ቤእሽን፥ ሃተይ ኤተ ምት አጊስ።

30 እስራኤለ አሰይ የርኮ ግዮ ከተማ ሹቸ ድርሳ ሳፔን ገለሳ ዩይ ዩይ አድዶጋፔ ጉይየን፥ ሄ ሹቸ ድርሰይ ኩንድዶጌ አመኑዋነ። 31 ሻረሙጥያ ረአበ ዮሁዋ ቆርያጌተ ሎይተ ሞክዶ ግሸው፥ ጦሰው አዘዘቴነን እጥደ አሳረ ሀይቄነን አትዶጌ አመኑዋነ።

32 ስም ሀረባ ጉጃደ አይ አዶ? ጌዶነባ፥ ባራቀባ፥ ሰምሶነባ፥ ዮፍታሄባ፥ ዳውተባኔ ሰሜለባ፥ ቀስ ሀነነባ ዮትያጌቱባ አደነው ተው ዎዴ ግዴነ።

33 ኤት ከዎ ኡባረ አሌትድ ጦንዶጌኔ ጥሎባ አትዶጌ አመኑዋነ፤ ያትድ ጦሰይ እመነ ጊዶጋ ኤክዶሶነ፤ ጋሞቱ ዶናክ ጎርድዶሶነ። 34 ዎልቃመ

11:17 ዶሜ 22:1-14 11:18 ዶሜ 21:12 11:20 ዶሜ 27:27-29፥ 39-40
11:21 ዶሜ 48:1-20 11:22 ዶሜ 50:24-25፥ ኪሳ 13:19
11:23 ኪሳ 1:22፤ 2:2 11:24 ኪሳ 2:10-12 11:28 ኪሳ 12:21-30
11:29 ኪሳ 14:21-31 11:30 ያሱ 6:12-21 11:31 ያሱ 2:1-21፥ 6:22-25 11:
32 ዳነ 4:6-5:31፥ 6:11-8:32፥ 11:1-12:7፥ 13:2-16:31፥ 1ሰሜ 1:1-25:1፥ 16:
1-1ከዎ 2:11 11:33 ዳኔ 6:1-27

ተማ ቶይስዶሳነ፤ ብሱዋ ቀራጭ ኬስ ኤክዶሳነ፤ ኤት ዳፉረንቸ፤ ሽን ምንዶሳነ፤ ቀስ አለን ዎልቃምድ፥ ሀረ ቢታ ቶራሳ ዩዴትዶሳነ።
35 መጫሰት በንተ ሀይቅዳጌት ሀይቁዋፕ ፕጥዳጌተ ኤክዶሳነ።

ቀስ ሀረት ቀሹዋፕ ብርሼተናጋ እጥድ፥ ኬህየ ዴኡዋዮ ሀይቁዋፕ ዴንደነው፥ ቡኬትድ ሀይቅዶሳነ። 36 ሀረቱ ቦል አሰይ ቅሊጭ ካኢስ፤ ልሱውን ገረፌትዶሳነኔ ሰንሰለተን ቀሼትድ፥ ቀሾ ኬታ ጌልዶሳነ።
37 ሹቸን ጨዴትዶሳነ፤ መጋጀን ናኡ ክይድ ጳልቄትዶሳነ፤ ፓጩትዶሳነ፤ ብሱውን ሀይቅዶሳነ፤ ኤተው ኡብበይክ ጠይን፥ ዋዬትድ ቱገትድ፥ ዶርሰ ጨላኔ ዴሸ ጨላ ማይድ ዩይዶሳነ። 38 ኤተው ሀ ሰአይ ጊጌነን እጥን፥ በዞን፥ ዴርዮን፥ ጎንጎሎ ግዶንኔ አለ ግዶን ዩይዶሳነ።

39 ጦሰይ ኤተ አመኑዋ መርከትኮክ፥ ሄጌት ኡብት እ፥ እመነ ጊዶጋ ኤክቦኮነ። 40 ጦሰይ ኑዮ እስ ሎኦ ቆፋ ቆፕ ዎትዶ ግሸው፥ ኤት ኑን በይነን በል በይናጌተ ግዶኮነ።

ጦሰይ ኑስ አወ

12 1 ስም ኑዮ ሀጋ ኬነ ደሮ አሰይ፥ ሻራደን ኑ መተን ዩይ አድድ መርከትያጌ ዴእሸን፥ ኑነ ጡብየ ኡብባኔ በቅ አይቅየ ነገራ ድጎስ፤ ድግድ ኑ ስንተን ዴእየ ኑን ዎጠነ ዎታ ጌንጭድ ዎጠስ። 2 ኑን ኑ አመኑውው ሁጳኔ ፖሎ ግድየ ዩሱሰ ጤሎስ። ዩሱሰ ዩላ ከርድ፥ ዎዴፕ አው ዴእየ ኡፈይላ ግሸው፥ መስቀልያ ቦል ምስማርዮን ጥሼትድ ሀይቀናጋ ጌንጭድ፥ ጦላ ከዎታ አራታፕ ኡሸቸ በጋረ ኡቲስ።

3 እንቴ እንቴ ዎዘና በይድ ዳፉሬነ መለ፥ ነገረንቸት በነ ደሮ እጥንከ ጌንጭደ ዩሱሰ ቆፕቴ። 4 ነገራረ እንቴ ባጤቲድ፥ ሱታ ጉሰነ ገክናስ ብሮን አሌቲችቤኬተ። 5 ጦሰይ በ ናቱደን፥ እንቴነ ዞርዮጋ ደግዴቲ፥ ጦሰይ እንቴነ።

«ተ ነአው፥ ጦሰይ ኔነ ቀጠይዮ ዎዴ፥ ላፈባደን ቆፖፕ።

እ ኔነ ሴርዮ ዎዴከ የዮፕ።

6 አይስ ጊኮ፥ እ በ ሲቅዮ ኡራ ቀጠዬስ፤

ቀስ በ ነአደን ኤክዮ ኡባከ ልሱውን ገረፌስ።

ያጊስ። 7 ጦሰይ እንቴነ ቀጠይዮ ዎዴ ጌንጭቴ። አይስ ጊኮ፥ እ እንቴነ ናቱደን አቲስ። አወይ ቀጠዬነ ነእ ዴኢ? 8 ናተ ኡባ ቀጠይዮጋደን፥ እንቴነ ቀጠዬነን ዩግ በይኮ፥ ከሬን ዩሌትዳጌተ ግዴተፕ አትን፥ ቱመ ናተ ግዴኬተ። 9 ሄጋ ቦለን ቀስ፥ ኑነ ዩልደ ኑ አወት ኑነ ቀጠይዶ ዎዴ፥ ኑን ኤተ በንቸደ። ያትን፥ ኑን ዋንድ አያነቱ አዋዮ ኬህ ደርስ ሃሬትድ ዴአኮኒ? 10 አይስ ጊኮ፥ ኑነ ዩልደ ኑ አወት በንተነ ኡፈይስያደን፥ አመርደ ዎድያ ኑነ ቀጠይዶሳነ፤ ሽን ጦሰይ ኑን አ ጌሸቴታ ኤከነ

11:34 ዳኔ 3:1-30 11:35 1ከዎ 17:17-24፤ 2ከዎ 4:25-37
11:36 1ከዎ 22:26-27፤ 2ሀን 18:25-26፤ ኤርማ 20:2፤ 37:15፤ 38:6
11:37 2ሀን 24:21 12:5-6 እዮ 5:17

መለ፡ ኑነ ማደነው ቀጠዮስ። 11ኑን ቀጠዮትዮ ዎዴ፡ ሀእሰው ዩሎዮስ፤ ኡፈይሴነ። ሽን ቀጠይዶጌቱዮ ጉዩፔ ሄ ቀጠዮይ ጥሎቴታ ዴኡዋ ሰርቴታ ዎይቱዋ እመነ።

ዞርያኔ ሴራ

12ሄጋ ግሸው፡ እንቴ አርጋጭደ ኩሽያኔ እንቴ ዳፉርደ ጉልበታ ምንቴትቴ። 13ዎብዮ ቶሆይ ፐጠናፔ አትን፡ ቡርቄነ መለ፡ ስተ አግየን ሄሚትቴ።

14አሰ ኡባረ ሰር ዴአነው ምንቴ፤ ቀስ ጊሽ ዴኡዋ ዴእቴ። አይስ ጊኮ፡ ሄይ በይነን አንኔ ጎዳ ቤአነው ደንደዩነ። 15ጦሳ አር ኬሀቴታ አንኔ ኤኬነን አቴነ መለ ናጌትቴ፤ ቀስ ሞክድ፡ በ መርዝየን አሰ ወይስየ ጨዎ ምተደን ሀንድ፡ አንኔ ደር አሳ ቱንሴነ መለ ናጌትቴ። 16ሻረሙጠነው ቃቀትየ አስ አንኔ ዴኤነ መለ፡ ዎይ ቀስ እስቶ ምዮበው በ በይረቴታ በይዝደ፡ ጦሳ አያን በይነ ኤሰው መለ አስከ ዴኤነ መለ ናጌትቴ። 17ሄጋፔ ጉይየን፡ ኤሰው በ አዋ አንጃዋ ኤከነው ኮይዶጋ ኤሬተ፤ ሽን አ አወይ አ አንጄነን እጢስ፤ አይስ ጊኮ፡ ነገራፔ ሰምዮ አግዶ እ ሀረይ አቶ፡ አፉጥ ኮይድከ ዴመነው ደንደይቤነ።

18እንቴ ቦቸነው ደንደይዮ ዴርያኮኔ ኤዋየ ተማኮ፡ ጡማኮ፡ ጭጋራኮኔ ጎትያኮ፡ 19ቀስ መልከታ ዋሱዋኮኔ ቃላ ጨንጉርሳኮ ይቤኪተ። አሰይ ሄ ጨንጉርሳ ሰይዶ ዎዴ፡ ሀራ ጉጅ ሰዩነ መለ ዎሲስ። 20አይስ ጊኮ፡ ጦሰይ ኤተ፡ «ሀረይ አቶ፡ ዶእከ ሄ ዴርያ ቦቸኮ፡ ሹቸን ጨዴትድ ሀይቆ» ያግዶ አዘዙዋ ኤት ጌንጨነው ደንደይቦኮነ። 21አይፍየን ቤትያጌ ደር ደገንትያጋ ግድዮ ግሸው ሙሴ፡ «ታን የሸን ኮኮረይስ» ያጊስ።

22ሽን እንቴ ጥዮኔ ዴርያ፡ ዴአ ጦሰይ ዴእዮ ከተማ፡ እስፔ ሺቅድ ኡፈይትየ ደር ሸኡ ኪተንቸቱኮ ሰሉዋ ዩሩሰላሚ ዩዴተ። 23ጦሳ በይረ ናቱኮ፡ እስፔ ሺቅዳጌቱኮ፡ ኤተ ሱንተይ ሰሉውን ጣፊትዶጌቱኮ ዩዴተ፤ ቀስ አሰ ኡባ ፐርድየ ጦሳኮኔ፡ በል በይናጌተ አትዶ ጥሎ አሰቴ አያነቱኮ ዩዴተ። 24አረተ ማቸው ጋነትየ ዩሱሰኔ አቤለ ሱታፔ አድያሳ ዮትየ ጨጨፊትደ ሱታኮ ዩዴተ።

25እንቴዮ ዮትየ ኡራ ዮሁዋ ኤዝግዮጋ እንቴ እጤነ መለ፡ እንቴነ ናግቴ። ጦሳ ኪታ ሰአን በንተው ዮትያጌ ዮትዮጋ ኤዝጌነን እጥዳጌት ኬስ ኤከነ ጠይኮ፡ ሰሉውን፡ «እንቴነ ናግቴ» ግየ ጦሳፔ ኑን ዋንድ ኬስ ኤከኔ? 26ሄ ዎዴ አ ጨንጉርሰይ ሰአ ቃቲስ፤ ሽን እ ሀእ፡ «ታን ሰአ ጠላላ ግዴነን፡ እስቶ ጉጅደ ሰሉዋከ ቃተነ» ያጊስ። 27«እስቶ ጉጅደ» ግየ ቃለይ ቃጤነበይ ምንድ ዴአነ መለ፡ ሜሬትደበይ ቃጠናጋኔ ክቸናጋ ጌሽድ ቤሴስ።

12:12 እስ 35:3 12:16 ዶሜ 25:29-34 12:17 ዶሜ 27:30-40
12:18-19 ኪላ 19:16-22፤ 20:18-21፤ ዛር 4:11-12፤ 5:22-27
12:20 ኪላ 19:12-13 12:21 ዛር 9:19 12:24 ዶሜ 4:10 12:25 ኪላ 20:22

28ኑን ቃጠነው ደንደዬን ከዎቲታ ኤክዮ ግሸው፥ አኔ ጦሳ ገለቶስኔ አ ኡፈይሶስ፤ አው ቤስዮጋደን ቦንቹዋንኔ የሸቴተን አው ጎይኖስ። 29አይስ ጊኮ፥ ኑ ጦሳይ ቱሙ በሸየ ተሙ።

ጦሳ ኑን ዋት ኡፈይሶነው ቤስዮኮ

13 1እንቴ እሸተ ሲቅዮጋ አጎጥቴ። 2እመተ ሞክዮጋከ ዶጎጥቴ። አይስ ጊኮ፥ ያትዮጎን እስ እስ አሰይ ኤሬነን ኪተንቸተ ሞኪስ። 3ቀሾ ኪተን ዴእያጌቱባ እንቴከ ኤታረ እስፔ ቀሾ ኪተን ዴእዮጋደን ቆጥቴ፤ ቀስ እንቴ እንቴ ሁጲን ዋዬትዮጋደን፥ ዋዬትያጌቱባ ቆጥቴ።

4ኤክዮጋኔ ጌልዮጋ አሰይ ኡቦይ ቦንቸነው ቤሴስ፤ ቀስ አዝነይኔ መቸያ እሶይ እሱውው አመኔተነው ቤሴስ፤ አይስ ጊኮ፥ ጦሳይ ሻረሙጠነው ቃቀትያጌተኔ ሻረሙጥያጌተ ፕርደነ።

5ሚሸ ሲቆፔ እንቴነ ናግቴ፤ እንቴዮ ዴእያጌ እንቴዮ ግዶ። አይስ ጊኮ፥ ጦሳይ በ ሁጲን፥

«ታን ኔነ ሙሌከ ዩግኪ

ዎይኮ አግኪ»

ያጊስ። 6ሄጋ ግሸው፥ ኑን ጠልድ፥

«ጎደይ ተነ ማድያጋ፤

ታን የይኪ።

አስ ተነ አይ ኦቲ?»

ያጎስ።

7ጦሳ ቃላ እንቴዮ ዮትደ እንቴነ ካሌትዳጌተ ሀሰይቴ፤ ኤት ዋን ዴእዳኮኔ ሀሰይቴ፤ ቀስ ኤታጋደን አመንቴ።

8ዩሱስ ክርስቶስ ዝኔከ ሀቸከ ሜርነውከ ላሜቴነ። 9ዱመ ዱመ አረተ ትምርትየን ዎረ ቦጥቴ፥ ኑ ዎዘነይ ጦሳ አር ኪሀቴተን ገለትዮጌ ሎአ ግድዮጋፔ አትን፥ ምዮበው አዘዜትዮጋ ግዴነ፤ ሄገው አዘዜትዳጌትከ ማዴትቦኮነ።

10ኑዮ የርሸዮሰይ ዴኤስ፤ ዱንካንያ ግደን አትያጌት ሄ የርሸዮሳፔ ማነው ኤተው ማት ባው። 11ቄሴ ኡቡቱ ሀለቀይ ነገራ ግሸው፥ ሜህያ ሱታ የርሸነው ኡባፔ አደየ ጌሸ ሶሁዋ ኤሬስ፤ ሽን ሄ ሜህያ አሹዋ ቀስ ድርሳፔ ከሬረ ጡጌስ። 12ሄጋ ግሸው፥ ዩሱስከ ቀስ ነገራፔ አሳ በ ሱተን ጌሸነው፥ ከተማ ፔንግያፔ ከሬረ ዋዬቲስ። 13ስም ኑን እ ቦሬትዶ ቦርያ ኤክድ፥ ድርሳፔ ከሬ አኮ ክዮስ። 14አይስ ጊኮ፥ ኑዮ ሀገን ሜርነው ዴእየ ከተም ባው፤ ሽን ኑን ያነ ከተማ ናጎስ።

15ስም ጦሳዮ ዩሱስ በጋረ ኡብ ዎዴ ገለታ የርሹዋ እሞስ፤ ሄጋ ግዮጌ ሜንቴርሸይ አ ሱንታዮ እምዮ ገለታ ግዮጋ። 16ሎአባ አትዮጋኔ እሶይ እሱዋ ማድዮጋ ዶጎጥቴ፥ አይስ ጊኮ፥ ጦሳ ኡፈይሶያጌ ሄጋ መለ የርሹዋ።

12:29 ዛር 4:24 13:2 ዶሜ 18:1-8፤ 19:1-3 13:5 ዛር 31:6፥ 8፤ ያሱ 1:5
13:11 ዎጋ 16:27

17 እንጅነ ካሌትያጌቱዮ አዘዜትቴ፤ ቀስ ኤት አዘዘዮጋከ ኦትቴ። ኤት በንተ ኦትዶባ ጦሰው ዮተነ ግሸው። እንቴ ሼምፑዋ ምንት ናጎሶነ፤ እንቴ ኤተው አዘዜትኮ። በንተ ኦሱዋ ኡፈይትድ ኦተነ፤ ሄጌ ጠይኮ። ኤት ዩሎቲድ ኦተነ፤ ሄጌ እንቴነ አይኔ ማዴነ።

18 ኑዮ ጦሳ ምስቴ። ኑን ኡብ ምዴ ሎአባ ኦተነው ኮይዮ ግሸው። ኑነ ዞርዮ ሎአ ምዘነይ ኑዮ ዴኤስ። 19 ጦሰይ ተነ እንቴኮ ኤሱውን ዛረነ መለ። ጦሳ እንቴ ምንት ምሰናደን። ታን እንቴነ ኬህ ምሰይስ።

ዎሳ

20 ሰሮቴታ ጦሰይ። ኑ ጎዳ ዩሱሰ። ዶርሳ ሄምየ ግታ። ሜርና ማቻ ሱተን ሀይቁዋፔ ዴንቲስ። 21 ጦሰይ ዩሱስ ክርስቶስ በጋረ በ ስንተን በነ ኡፈይስያባ እንቴነ ኦትሲድ። እንቴከ እ ኮይዶባ ኦተነ መለ። ሎአ ኦሶ ኡብን እንቴነ እ ጊግሳ፤ ጦሰይ ሜር ሜርነው ቦንቼዮ። አምንእ።

ኩሻ

22 ተ እሸዮ። ታን ሀ ደብዳብያ እንቴዮ ቀንተን ጣፍዶ ግሸው። እንቴ ሀ ዞርያ ሰሌቴነን ኤዘዘነ መለ። ታን እንቴነ ምሰይስ።

23 ኑ እሸይ። ጥሞትዮስ ቀሹዋፔ ብርሼትዶጋ ኤርቴ። ኤሱውን እ ሃ ዩኮ። ታን ኦረ ባደ እንቴነ ቤአነ።

24 እንቴነ ካሌትዮ ኡብተኔ ጌሸተ ኡባ ሰሮ ሰሮ ጊቴ። ጣልያፔ ዩደ አመንያጌት እንቴነ ሰሮ ሰሮ ጎሶነ።

25 አሮ ኬሀቴተይ እንቴናረ ኡባረ እስፔ ግዶ። አምንእ።

ያቆብ ጣፍዶ ኪታ

ግዱዋ ኤርሱዋ

ሀጌ ያቆብ ኪተይ ኑ ሀች ሀች ዴኡዋ ካሌትየ ቆፊተ አይቂስ። ጣፊትዶጊከ «ቢተን ሰአን ኡብን ላሌትደ ጦሳ አሳሰ።» ሀ መጣፋ ጣፍዳጌ አድደ ኤረቴታ ኑን አሱውን ፔሽዮ ሂላኔ አመንየ አሳ ሞኩዋስኔ ኤሻስ ካሌቱዋ እምየ የሆተ ስእልያደን ቆንጭየን ቤሴስ።

ህዩሰቴታባ፣ ዱሬቴታባ፣ ፓጭያባ፣ ሎአ ኤሻባ፣ ቀናትያባ፣ አመኑዋባኔ ሎአ አሱዋባ፣ እንጠርሳ ማዱዋባኔ ቆሁዋባ፣ አድደ ኤረቴታባ፣ እሶይ እሱዋረ አዩትዮ አሻባ፣ ኡቶሩዋባኔ አሽኪቴታባ፣ ሀረ አሳ ቦል ፕርድዮባ፣ ጩቁዋባ ዎይኮ አዩዋባ፣ ጌንጫባኔ ዎሳባ፣ አመንየ አሳስ ዴአነው ቤስየ ጤላ ኡባ ቆድድ ጣፊስ። ኪተይከ ክርስትና ዴኡውን አመኖይ አሱውን ፔአነ ሀኖተተ አርድስድ ቤሴስ።

1 1ታን ያቆብ ጦሳ አይሌኔ ጎዳ ዩሱስ ክርስቶስ አይሌ፣ ቢተ ኡብን ላሌትደ ተመኔ ናኡ ዜሬተቱዮ ሰርታ ኪተይስ።

ደንደያ፣ አመኑዋ፣ አድደ ኤረቴታ

2-3ተ እሸቶ፣ እንቴ አመኖይ ፓጩትዮጌ እንቴዮ ደንደያ እመናጋ ኤርድ፣ ዱመ ዱመ ፓጩ እንቴነ ገክዮ ዎዴ፣ ሄጋ ኩጫተ ኡፈይሰደን ቆድቴ። 4እንቴ ደንደያይ አይብኔ ቦል ባይነን እንቴነ ዘውትዳጌተኔ ፕጭ ባይናጌተ አትድ፣ በ አሱዋ ፖሎ። 5ሽን እንቴፔ አንኔ ባዮ አድደ ኤረቴተይ ጠይኮ፣ ቦሬነን ኡብው ኪሀቴተን እምየ ጦሳ ዎሶ። እ አዮ እመነ። 6ሽን እ አይቢንኔ ሰሬነን አመኑውን ጦሳ ዎሶ። አይስ ጊኮ፣ ስርየ ኡረይ ጨርኮይ ሱግን ቃጥየ አባ ቤታ መለ። 7-8አይስ ጊኮ፣ ናኡ ቆፊይ ዴእዮ ኡረይ፣ በ አኔ ኡብን በ ቆፋ ቀቼናጌ፣ ሄ ኡረይ ጎዳፔ አይኔ ዴመነው ቆፖ።

ህዩሰ አሰኔ ዱሬ አሰ ኡፈይሳ

9-10ሽን ህዩሰ እሸይ ጦሰይ አ ጠቁ አትዶ ዎዴ ኡፈይቶ፣ ቀስ ዱሬ እሸይከ ጦሰይ አ ዝቅ አትዶ ዎዴ ኡፈይቶ። አይስ ጊኮ፣ ዱሬ ብተኔ

1:1 ማት 13:55፣ መር 6:3፣ አሱ 15:13፣ ገላ 1:19

ማተ ግድን ድጭየ ጨሸደን ጠየነ። 11 አይስ ጊኮ፥ አወይ በ ምሹዋረ ክይድ፥ ማታ ሜልስን፥ ጨሸይ ጠዩስ፤ ቀስ አ ሜራ ሎኦተተይክ ጠዩስ፤ ሄጋደንክ ቀስ ዱራ ብተኔ በባ ኦተድ ጠየነ።

አሳ ቦል ንክየ ፓጭያ

12 ዋይየን ጌንጭየ ኡረይ አንጂትዳጋ፤ አይስ ጊኮ፥ ሄ ዋይያ ጦንዶጋፕ ጉይየን፥ ጦሰይ በነ ሲቅያጌቱዮ እመነ ጊዶ ዴኡዋ አክሊልያ እ ኤከነ። 13 አንኔ ፓጨቶይ ዎዴ፥ «ተነ ጦሰይ ፓጨቶ» ጎፖ። አይስ ጊኮ፥ ጦሰይ ኢተን ፓጨቶተው ደንደዩነ፤ ቀስ እ በ ሁጲን ኦነኔ ፓጨቶ። 14 ሽን አስ ሁጲየን ሁጲየን በ ሁጲ ኢተ አሙውን ጎሹትዮ ዎዴኔ ጭሜትዮ ዎዴ ፓጨቶቲስ። 15 ሄጋፕ ጉይየን፥ አሞይ ሸሃርድ፥ ነገራ ዩሌስ፤ ቀስ ነገረይ ድጭድ፥ ሀይቁዋ ዩሌስ።

16 ተ ሲቆ እሸቶ፥ ጭሜቶፕቴ። 17 ሎኦ እሞ ኡብይኔ ኩሜተ ዎይቶ ኡብይ ሰሎዋፕ ዩስ፥ ሰሎዋ ፖኡዋ ሜድደ ጦሳፕ ዩስ፤ ጦሰይ በ ሁጲን ዱሙቴነኔ ዎይ ምርቅድ ጡምሴነ። 18 ኑን እ ሜድደ ሜራተቱ ግድን ጦቀሳ ኤከናደን፥ ኑነ በ ሼንየን ቱሙ ቃለን ዩሊስ።

ስይዶጋ ኦሱውን ፔሸዮጋ

19 ሄጋ ግሸው፥ ተ ሲቆ እሸቶ፥ ሀጋ ሀሰይቴ፤ አሰይ ኡብይ ሰየነው ኤሶቶ፤ ሽን ሃሰየነውኔ ሀንቁተነው ኤሶቶ። 20 አይስ ጊኮ፥ አሰ ሀንቆይ ጦሰይ ኮይዮ ጥሎቴታ ኤሄነ። 21 ሄጋ ግሸው፥ ቱነ ሀኖተ ኡባኔ ኢተቴተ ኡባ እንቴፕ ጠይስድ፥ ጦሰይ እንቴ ዎዘነን ቶክዶ እንቴ ሼምፑዋ አሸነው ደንደይየ ቃላ አሸኬቴተን ኤክቴ።

22 ሽን ጦሳ ቃላ ኦትቴፕ ኦትን፥ ስሰ ጠለን እንቴ ሁጲያ ጭሞፕቴ። 23 አይስ ጊኮ፥ ቃላ ስይድ ኦቴነ ኡረይ ዴእኮ፥ እ በ ሜራ ሄራገን ጤልየ ኡራ መለ። 24 እ በነ ጤልድ ቤስ፤ ቢድ ሰሁዋረክ እ አይ መለኮኔ ዶግ አጌስ። 25 ሽን አንኔ አይሌቴታፕ ኬስየ ቦል በይነ ህግያ ጤልድ፥ አን አቅያጌ ቀስ አ ናግያጌ፥ ስይዶጋክ ዶጌናጌ፥ ሄ ኡረይ በ ኦትዮ ኦሱውን አንጂተነ።

26 በ እንጠርሳ ናጌነን በነ ጭሚድ፥ በው ጦሳ አመንዮባ ምለትዮ ኡረይ ዴእኮ፥ አ አመኖይ ሜለ። 27 ጦሳ አዋ ስንተን ፖኮይ በይነ ጌሸ አመኖይ ሀጋ፤ ሄጌ አውጌ ጊኮ፥ አየ አው በይነ ናተኔ ዋዩትየ አምኡተ ማደናጋኔ ሰአ ነገራ ቅታፕ በ ሁጲያ ናገናጋ።

ህዩሳ ከረነው ቤሴነ

2 1ተ እሸቶ፥ እንቴ ኑ ቦንቾ ጎዳ ዩሱስ ክርስቶስ አመኒድ፥ ሰምኦ ጤልድ፥ አሰ ቦንቾፕቴ። 2 አይስ ጊኮ፥ ዎርቀ ምግዶ ዎትድ፥ ሎኦ ማዶ ማይደ እስ አስ እንቴ ሺቁዋ ዩኮ፥ ቀስ ጨርቀ ማዶ ማይደ ህዩሰ አሰከ ዩኮ፥ 3 ሎኦ ማዶዋ ማይደ ብተንያ እንቴ ኦት ቦንቾድ አ፥ «ኔን ሀገን ኡባፕ ሎእየ አይድየን ኡተ» ጊድ፥ ቀስ ህዩሰ ብተንያ፥ «ኔን

ህንን ኤቀሸ፤ ዎይ ሀገን ተ ቶሁዋ መተን ሰአን ኡተ» ጊኮ፡ 4ያትን እንቴ እንቴ ግዶን ሻሆቴታ ሜድያጌተኔ ኢተ ቆፋረ ዴእየ ዳነተ ግዴኪቴሎ?

5ተ ሲቆ እሸቶ፡ ስይቴ፤ ጦሰይ ሀ ሰአን ዴእየ ህዩሰ አሰይ አመኑወን ዱራተነው፤ በነ ሲቆያጌቱሎ እመነ ጊዶ ሰሉዋ ከዎቴታ ላተነው ዶርቤኔሎ? 6ሽን እንቴ ህዩሰተ ቶችዴተ። ዱራት እንቴነ ቱገይያጌተ ግዶኮናሎ? ኤት እንቴነ ዳነን ሞትያጌተ ግዶኮናሎ? 7እንቴሎ እሜትደ ሎኦ ሱንታ ጨይያጌት ኤተ ግዶኮናሎ?

8ሽን ጦሳ መጣፈን፡ «ኔ ሾሩዋ ኔ ሁጵደን ሲቀ» ጌቴትድ ጣፊትደ ከዎ ህግያ እንቴ ፖልኮ፡ ሎኦባ ኦቴተ። 9ሽን እንቴ አሰ ሰምኦ ጤልድ በንችኮ፡ ነገራ ኦቴተ፤ ቀስ ህጌ እንቴ ቦል ህግያ ሜንትዳጌቱደን ፕርደነ። 10አይስ ጊኮ፡ ኦንኔ ህጌ ኡባ ናግድ፡ እስኖ ሜንትያባ ግድኮ፡ ሄ ኡረይ ህጌ ኡባ ሜንቴስ። 11አይስ ጊኮ፡ «ሻረሙጦፕ» ጊዳጌ ቀስ «ዎሮፕ» ጊስ፤ ሽን ኔን ሻረሙጦነ ጠይኮክ፡ ዎርደባ ግድኮ፡ ህግያ ሜንተደስ። 12አሰ አይሉቴታፕ ኪስየ ህግየን ፕርዳ ኤክነ አሰቴደን ሃሰይቴኔ ኤታጋደን ኦትቴ። 13አይስ ጊኮ፡ አሰ ማርቤነ ኡራ ጦሰይ ማሬነን ፕርደነ፤ ማሮቴተይ ፕርዳ ጦኔስ።

አመኑዋኔ አሱዋ

14ተ እሸቶ፡ እስ ኡረይ ባሎ አመኖይ ዴኤስ ጊኮ፡ ቀስ አ አመኑዋ አ አሰይ ኤርሰነ ጠይኮ፡ አ አይ ጎአኔ? አ አመኖይ አ አሸነው ደንደዶ? 15እስ እሸይ፡ ዎይ እስ ምችያ ከሎትኮ፡ ቀስ ኤተው ኡብ ገለስ ምዮብ ጠይኮ፡ 16እንቴፕ እስ ኡረይ ኤተ፡ «ሰሮ ቤቴ። ተማ ሆእቴ። ከልድ ሚቴ» ጊድ፡ ኤተው ኮሽያባ እመነ ጠይኮ፡ ኤተ አይ ጎአኔ? 17ሄጋ ግሸው፡ አመኖይ አሰይ በይነን በርከ ዴእኮ ሀይቅዳጋ።

18ሽን እስ ኡረይ፡ «ኔስ አመኖይ ዴኤስ፤ ቀስ ታስ አሰይ ዴኤስ። ኔን ኔ አመኑዋ ኔ አሱዋፕ ሻከደ ተነ ቤሰ፤ ታንክ ተ አመኑዋ ተ አሱወን ኔነ ቤሰነ» ጋነ። 19ኔን እስ ጦሰይ ዴእየጋ አመኖሰ፤ ሄጌ ሎኦ። ጠለሄትክ ቀስ አመኖሰነ፤ የሽን ኮኮሮሰነ። 20ኔን ኤየይ! አመኖይ አሱዋፕ ሻሄትድ ጎኤናጋ ኤረነው ኮየይ? 21ኑ አወይ አብረሃም በ ነአ ይሳቀ የርሽዮሳ ቦል ዎትዶ ዎዴ፡ በ አሱወን ጥልቤኔ? 22አ አመኖይ ኔ አ አሰይ እስፕ ኦትዶጋኔ አ አመኖይ አ አሱወን ፖሎትዶጋ ቤእኪ? 23ጦሳ መጣፈይ «አብረሃም ጦሳ አመኒስ፡ ጦሰይክ ሄጋ አሎ ጥሎቴተን ቆዲስ» ጊዶጌ ፖሎቴስ፤ ቀስ ጦሳ ደቦ ጌቴትድ እ ጤሴቴስ። 24አስ አመኖ ጠላላነ ግዴነን፡ አሱወን ጥልዮጋ እንቴ ቤኤተ።

25ሄጋደንክ ቀስ ሻረሙጥያ ረአብ ኪቴትያጌተ ሞከደ ሀረ ኦግያረ ኤተ ሞይስዶ ዎዴ፡ በ አሱወን ጥለቤይኪ?

2:8 ዎጋ 19:18 2:11 ኪሳ 20:13፣ 14፣ ዛር 5:17፣ 18 2:21 ዶሜ 22:1-14 2:23 ዶሜ 15:6፣ 20፣ 20:7፣ እስ 41:8 2:25 ያሱ 2:1-21

26 አይስ ጊኮ፥ ሼምፖይ ሻሄትዶ በለይ ሀይቅዳጋ ግድኖጋደን፥ ሄጋደንከ ቀስ አሶይ ሻሄትዶ አመናይ ሀይቅዳጋ።

እንጠርሳ ናግዮጋ

3 1ተ እሸቶ፥ ኑን ሀረቱፕ አድየ ፕርዳ ኤከናጋ እንቱ ኤርዮ ግሸው፥ እንቱፕ ደሮት ተጣርሰያጌተ ግዶፕፕ። 2ኑን ኡቦይከ ደርበን በሌቴስ፤ እስ ኡረይ በ ሃሰየን ሙሌከ በለነ ጠይኮ፥ እ በነ ናንነው ደንደይየ በል በይነ አሰ። 3ፕረት ኑዮ አዘዘተነ መለ፥ ብጣላ በርስድ፥ ኑን ኮይዮሳ ኡባ ኤተ ኤፌቴስ። 4ቤእቴ፥ መርከቤትከ ቀስ ሄጋ ኬነ ግተ ግዲድ፥ ጎቱ ጨርኩውን ላጌትኮከ፥ ኤተ ላግያጌ በ ኮይዮሳ ዛርድ ላግዮ ቂ ጉተ ምተን ላጌትድ ሶሶነ። 5ሄጋደን እንጠርሰይ ቦላ ግዶን ጉተ ቆሞ ግድኮከ፥ ደሮ ግተቦን ጨቁቱስ። ጉተ ተመይ ዋንደ ግተ ዎራ ጡጊ! አኬክቴ። 6እንጠርሰይከ ተመ መለ፥ እ ኑ አሰቴታ ግዶን ኢተባ ኡባ ኡተነ ደንደይብ፤ አሰቴተ ኡባ ቱንሴስ። ቀስ ኑ ዴኡዋ ዎታከ ተመን ጡጊስ፤ ጋነብያ ተመን እ ጡጊተነ። 7አይስ ጊኮ፥ ዶአቱ ከፎቱ ዘርያ፥ ትረን ጎሼትየ ሾሸቱ ዘርያኔ አበን ዴእየ ሜሬተቱ ዘርያ ኡባ አስ አድሲስ፤ ቀስ ኤትከ አድዶሶነ። 8ሽን አንኔ እንጠርሳ አድሰነው ደንደይቤነ፤ እንጠርስ ዎርየ መርዜ ኩምዶ ዎፑ ጌነ ኢተ ሜሬተ። 9ኑን እንጠርሰን ኑ ጎዳኔ ጦሳ ገለቶስ፤ ቀስ አንከ ጦሳ ሴምሱውን ሜሬትደ አሳ ቀንጎስ። 10እስ ዶናፕ ገለተይኔ ቀንጌተይ ክዩስ፥ ተ እሸቶ፥ ሄጌ ሄጋደን ሀነነው ቤሰነ። 11ፑልቶይ እስ አላፕ መልእየ ሃታኔ ጨምየ ሃታ ፑልተነው ደንደዩ? 12ተ እሸቶ፥ በለሴ ግዮ ምት ዎገረ አይፈነው ደንደዩ? ዎይ ዎይኔ ቱር በለሴ ግዮ ምተ አይፈነው ደንደዩ? መጥኔ መጥኔ ግዮ ሃተፔከ መልአ ሃት ክየነ ደንደዩነ።

ሰሉዋ አድደ ኤራኔ ሰአ አድደ ኤራ

13እንቱ ግዶን አድደ ኤረንኻኔ አኬከንኻ ኦኔ? በ ሎአ ዴኡውን አሴትደ በ አሰዋ አሽኬቱታንኔ አድደ ኤረቴተን ቤሶ። 14ሽን እንቱ ዎዘንን ጨምየ ቀናቴኔ ዩቄ ዴእኮ፥ አቶሬቶፕፕ። ቀስ ቱመቱታ ቦልከ ዎርዶቶፕፕ። 15ሄጋ መለ አድደ ኤረቴተይ ሰሉዋፕ ዎድኖጋ ግዴነ፤ ሽን ሄጌ ሰአባ፥ አሳባ፥ ጠለሄቱባ። 16አይስ ጊኮ፥ ቀናቴኔ ዩቄ ዴእየሰን አሸይኔ ኢተ አሶ ኡቦይ ዴኤስ። 17ሽን ቦለፕ ይየ አድደ ኤረቴተይ ኡባፕ ከሴ ጊሸ። ቀስ ሰርቴተ፥ አሽኬኔ ኤሮ ግያጋ፤ ቀስ ማርቴትኔ ሎአ አይፌ ኩምዶጋ፥ ስሬኔ ሎአ ምለትየ ኢተቴት በይናጋ። 18ጥሎቴታ አይፌ ሰርቴታ ኦትያጌት ሰርቴተን ዜርዶ ዜሬታፕ ቤቴስ።

ሀ ሰአ ኢተቴታ ዶሴነን አገናጋ

4 1አልኔ አሽ እንቱ ግዶ አውፔ ዩ? ኤት ዩዶሰይ እንቱ ቦላ ግዶን አሌትየ እንቱ ኡፈይተነው ግተ አሙዋ አሞትኖጋፕ ግዴኔ? 2እንቱ

አሞቴተ፤ ሽን ዴሜኬተ፤ ሄጋ ግሸው ዎሬተ። ምንት ኮዬተ፤ ሽን ዴመነው ደንደዬኬተ፤ ሄጋ ግሸው፡ አዬቴተኔ አሌቴተ። ሽን ጦሳ ዎሴነ ግሸው፡ እንቴ ኮይዮባ ዴሜኬተ። 3 ጦሳ እንቴ ዎስዮ ዎዴ፡ እንቴ አሙዋ ፖለነው ዎሴተ፤ ቀስ እንቴ ቆፈይ ኢተ ግድዮ ግሸው ዴሜኬተ። 4 ስም ሻረሙጥያጌቶ፡ ሀ ሰአረ ደቦትዮጌ ጦሳዮ እጦ ግድዮጋ ኤሬኬቴ? አይስ ጊኮ፡ ሀ ሰአረ ደቦተነ ኮይዮይ ኦንኔ ጦሳረ ሞርኬቴስ። 5 ዎይ ጦሳ መጣፈይ፡ «ጦሳይ ኑነን ዎትዶ አያነይ ዎልቃመ አሙዋ አሞቴስ» ግዮጋ እንቴዮ ጮ ግዮባ ምለቴ? 6 ሽን ጦሳይ አር ኬሀቴታ አትድ እሜስ። ሄጋ ግሸው፡ ጦሳ መጣፈይ፡ «ጦሳይ አቶሬትያጌተ እሜስ፤ ሽን በንተነ ከውሽያጌቱዮ አር ኬሀቴታ እሜስ» ያጌስ።

7 ሄጋ ግሸው፡ እንቴ ጦሰው ሃሬትቴ። ያትድ ጠለሄ ሀለቃ ቴቅቴ፤ እ እንቴፎ በቀተነ። 8 ጠሳኮ ሺቅቴ፤ እከ እንቴኮ ሺቅቴ፤ እንቴኖ ነገረንቸቶ፡ እንቴ ኩሽያ ሜጨትቴ። ናኡ ቆፈይ ዴእዮጌቶ፡ እንቴ ዎዘና ጌሸቴ። 9 ቱገትቴ፤ ከዮትቴኔ ዩክቴ። እንቴ ሚቻ ዩሀውው ላምቴ፤ እንቴ ኡፈይሳከ ከዩውው ላምቴ። 10 ጎዳ ስንተን እንቴ ሁጵያ ቶችቴ፤ ቀስ እ እንቴነ ጦቁ ጦቁ አተነ።

አሰ ቦል ፕርዴነን አገናጋ

11 ተ እሸቶ፡ እሶይ እሱዋ ዝግሮፕቴ። በ እሻ ዝግርያጌኔ አ ቦል ፕርድያጌ ህግያ ዝግሬስኔ ህግያ ቦል ፕርዴስ። ኔን ህግያ ቦል ፕርድኮ፡ ህግያ ቦል ፕርድያጋ ግዳሰፎ አትን፡ ህግያው አዘዘትያጋ ግደከ። 12 ህግያ እምያጌኔ ፕርድያጌ ጦሳ ጠላለ፤ እ አሸነውኔ ጠይሰነው ደንደዬስ፤ ሽን ኔ ሾሩዋ ቦል ፕርድያጌ ኔን አኔ?

ጨቁቴናደን እሜትደ ዞርያ

13 እንቴኖ፡ «ኑን ሀች ዎይ ዎንቶ ሄ ከተማ ባነ፤ ቢድ ሄንን ለይተ ኡተነ፤ ዘልአነኔ ቀስ ሚሸ ዎርሰነ» ግያጌቶ፡ ቤእቴ። 14 ዎንቶ እንቴ ዴአይ አይ ሀነናኮኔ ኤሬኬተ፤ ጉተ ዎድየው እንቴ ቤትድ፡ ጉዬፎ ጠይየ ጨው መሰ። 15 ሄጋ አግድ፡ «ጎደይ ጊኮ፡ ኑን ዴአነ፤ ሀጋ ዎይ ሄጋ አተነ» ጋነው ቤሴስ። 16 ሽን እንቴ ሀእ እንቴ ግተቴተን ጨቁተ፤ ሄጋ መለ ጨቆ ኡቦይ ኢተ።

17 ሄጋ ግሸው፡ ሎአባ አተነው ኤሪድ አቴነ ኡረው ሄጌ ነገረ።

ዱሬ አሳስ እሜትደ ምኖ ዞርያ

5 1 ሀእከ እንቴኖ ዱሬ አሰቶ፡ እንቴ ቦል ይየ ቱገው «አዬ! አዬ!» ያግድ ዩክቴኔ ዝላልቴ። 2 እንቴ ዱሬቴተይ ሞሬቲቺስ፤ ቀስ እንቴ አፈላከ ብልአይ ምርጊስ። 3 እንቴ ዎርቀይኔ እንቴ ብረይ ሽዩቺስ። ቀስ ሄ ሽየይ እንቴ ቦል መርከተነ፤ እንቴ ቦላከ ተመደን ማነ። እንቴ እንቴ ሚሻ

ዎዴዮ ደገይዴተ። ⁴ አኪክቴ፤ እንቴ ገዴን ከታ ጨክደ አሰቴዮ ቀንጥቤን ኬራ ሚሸይ ዋሴስ፤ ኤተ ዋሶይ ዎልቃመ ጎዳ ሀይተን ሰዩቲስ። ⁵ እንቴዮ እንጂትን፡ ሰአን እሸልድ ዴእዴተ፤ ሹሀ ገለሰው ጢክዮጋደን፡ እንቴ ቦላ ጢክዴተ። ⁶ ጥሎ አሰ ቦል ፕርድዴተ፤ ቀስ አ ዎርዴተ፤ እ እንቴናረ ኤቁቴነ።

ጎዳ ናአንቶ ዩላ ደንደየን ናግዮጋ

⁷ ሄጋ ግሸው፡ ተ እሸቶ፡ ጎደይ ያነ ገከናስ ጌንጭቴ፤ ቢታ ጎይያጌ አፍንታ እረይኔ በዴሳ እረይ ያነ ገከናስ ጌንጭድ፡ አልኦ ከታ እ ዋት ናግድ ገት ኤክያኮ ቤእቴ። ⁸ እንቴከ ቀስ ጌንጭቴ፤ የዮፕቴ። አይስ ጊኮ፡ ጎዳ ዩሰይ መተቲስ።

⁹ ተ እሸቶ፡ ሰሰይ እንቴ ቦል ፕርዴነ መለ፡ እሶይ እሱዋ ቦል ዙዙዋፕቴ። ቤእቴ፡ ፕርድያጌ ፔንጌን ኤቁስ። ¹⁰ ተ እሸቶ፡ ዋዩሰኔ ጌንጨስ ሌምሶ ግድዳጌተ፡ ጎዳ ሱንተን ሃሰይደ ሀነነባ ዮትዳጌተ ሀሰይቴ። ¹¹ ቤእቴ፡ ደንደይድ ጌንጭዳጌተ ኑን አንጂትዳጌተ ጌቴስ። እዮብ ጌንጫ እንቴ ስይዴተ፤ ቀስ ጎደይ አዮ ጩርሴተን እምዶጋከ ቤእዴተ። አይስ ጊኮ፡ ጎደይ ማሮተይኔ ቀሬተይ ኩምዶጋ።

¹² ሸን ኡባፔ ከሴ፡ ተ እሸቶ፡ ሰሉውን ግድን፡ ዎይ ሰአን ግድን፡ ዎይ ሀረ ጫቁወን ግድን፡ አይብንከ ጫቆፕቴ። ሸን ሰላ ፕርደን እንቴ ጌሌናደን፡ እንቴ ዮሀይ ኤ ግዮባ ግድኮ፡ «ኤ» ጊቴ፤ ቺ ግዮባ ግድኮ፡ «ቺ» ጊቴ።

¹³ እንቴ ግድን ዋዩትየ ኡረይ ኦንኔ ዴእኮ፡ ሰላ ዎሶ፤ ኡፈይትየ ኡረይ ኦንኔ ዴእኮ፡ ዩጥድ ገለቶ። ¹⁴ እንቴፔ ሰሄትየ ኡረይ ኦንኔ ዴእኮ፡ ዎስ ኬታ ጭመተ ባኮ ጤሶ፤ ኤት ጎዳ ሱንተን ዘይትያ አ ትይድ፡ አዮ ሰላ ዎሶን። ¹⁵ አመኑውን ሰላ ዎስዶ ዎሰይ ሀርገንቻ ፕተነ፤ ጎደይከ አ ሀርግያፔ ዴንተነ፤ ቀስ ነገረ እ ኦትዶባ ግድኮከ ጎደይ አዮ አቶ ጋነ። ¹⁶ ሄጋ ግሸው፡ እንቴ ፐጠነ መለ፡ እንቴ ነገራ እሶይ እሱዋዮ ፓጥቴኔ እሶይ እሱዋዮ ሰላ ዎስቴ፤ ጥሎ አሰ ዎሰይ ዎልቃመ አሱዋ ኦቴስ። ¹⁷ ኤላስ ኑ መለ አሰ። እረይ ሰአን ቡኪናደን፡ እ ምንትድ፡ ሰላ ዎሰስ፤ ዎስን ሄዙ ለይተኔ ኡሱፑን አግነ ሰአን እረይ ቡክቤነ። ¹⁸ ናአንቴዋ ሰላ እ ዎስን፡ ሰሉዋፔ እረይ ቡኪስ፤ ሰአይከ በ ከታ ሞኪስ።

¹⁹ ተ እሸቶ፡ እንቴፔ ኦንኔ ቴማፔ ዎረ ቢኮ፡ ቀስ እሶይ አ ጉዬ ዛርኮ፡ ²⁰ ነገረንቻ አ በለ ኦግያፔ ዛርየ ኦንኔ አ ሼምፑዋ ሀይቁዋፔ አሸናጋኔ ደር ነገራ ከመናጋ ኤር።

5:2-3 ማት 6:19 5:4 ዛር 24:14-15 5:11 እዮ 1:21-22፤ 2:10፤ መዘ 103:8
 5:12 ማት 5:34-37 5:14 መር 6:13 5:17 1ክዎ 17:1፤ 18:1
 5:18 1ክዎ 18:42-45 5:20 ሌም 10:12፤ 1ኢጥ 4:8